

**18 апреля 2020 года**

**Страстная седмица**

**ВЕЛИКАЯ СУББОТА**

**Последование утрени**

**для домашнего**

**(келейного) совершения**

**УТРЕНЯ**

**М**олитвами святых отец наших,  
Господи Иисусе Христе, Боже наш,  
помилуй нас. **А**минь.

**С**лава Тебе, Боже наш, слава  
Тебе.

**Ц**арю Небесный, Утешителю,  
Душе истины, Иже везде сый и вся  
исполняяй, Сокровище благих и  
жизни Подателю, прииди и вселися  
в ны, и очисти ны от всякия  
скверны, и спаси, Блаже, души  
наша.

**С**вятыи Бже, Святыи Крепкий,  
Святыи Безсмертный, помилуй нас.  
**Трижды, и три поклона.**

**С**лава Отцу, и Сыну, и Святому  
Духу, и ныне и присно, и во веки  
веков. **Аминь.**

**П**ресвятая Троице, помилуй нас:  
Господи, очисти грехи наша;  
Владыко, прости беззакония наша;

Святѣй, посети и исцели нѣмощи  
наша, ѡмене Твоего ради.

Господи, помилуй. **Трижды.**

**С**лава, и ныне:

**О**тче наш, Иже еси на Небесех, да  
святится имя Твое, да придет  
Царствие Твое, да будет воля Твоя,  
яко на Небеси, и на земли. Хлеб  
наш насущный даждь нам днесь; и  
остави нам долги наша, якоже и  
мы оставляем должником нашим;  
и не введи нас во искушение, но  
избави нас от лукаваго.

[**Я**ко Твое есть Царство и сила и  
слава во веки. Аминь. (Мф. 6: 9-13)]

Господи, помилуй, **12.**

Сла́ва, и ны́не:

Прииді́те, поклоні́мся Цареві  
нашему́ Богу.

Прииді́те, поклоні́мся Христу́,  
Царе́ви на́шему, Бо́гу.

Прииді́те, поклоні́мся и  
припаде́м Само́му Христу́, Царе́ви и  
Бо́гу на́шему.

## ДВУПСАЛМИЕ

### Псалом 19

Услы́шит тя Госпо́дь в день  
печа́ли, защы́тит тя і́мя Бо́га  
Иа́ковля. По́слет ти по́мощь от  
Свята́го и от Си́она засту́пит тя.  
Помяне́т вся́ку же́ртву твою́, и

всесоужѣние твоѣ тѹчно бѹди. Даст  
ти Госпѡдь по сѣрдцу твоѣмѹ и весь  
совѣт твой испѡлнит. Возрѣдуемса  
о спасѣнии твоѣм и во ѡмя Гѡспода  
Бѡга нѡшего возвелѣчимса.  
Испѡлнит Госпѡдь вся прошѣния  
твоѡ. Нѡне познѡх, ѡко спасѣ  
Госпѡдь христѡ Своегѡ, услѡшит  
егѡ с Небесѣ Святѡго Своегѡ, в  
сѡлах спасѣние деснѣцы Егѡ. Сѡи  
на колеснѣцах, и сѡи на кѡнех, мы  
же во ѡмя Гѡспода Бѡга нѡшего  
призовѣм. Тѡи спѡти бѡша и  
падѡша, мы же востѡхом и  
испрѡвихомса. Гѡсподи, спасѣ царѡ  
и услѡши ны, вѡньже ѡще день  
призовѣм Тя.

## Псалом 20

Гóсподи, сíлою Твоёю  
возвеселíтся царь и о спасéнии  
Твоём возра́дуется зело́. Желáние  
сёрдца егó дал есí ему́, и хотéния  
устну́ егó нéси лишíл егó. Я́ко  
предварíл есí егó благословéнием  
благосты́нным, положíл есí на  
главэ егó венéц от кáмене чéстна.  
Животá просíл есть у тебé, и дал  
есí ему́ долготу́ дней во век вéка.  
Вéлия сла́ва егó спасéнием Твоём,  
сла́ву и велелéпие возложíши на  
негó. Я́ко дáси ему́ благословéние  
во век вéка, возвеселíши егó  
ра́достью с лицём Твоём. Я́ко царь  
упова́ет на Гóспода, и мíлостью

Вѣшняго не подвижится. Да  
обрящется рука Твоя всем врагом  
Твоим, десница Твоя да обрящет  
вся ненавидящая Тебѣ. Яко  
положиши их яко пещь огненную  
во время лица Твоего, Господь  
гнѣвом Своим смятет я, и снѣсть их  
огнь. Плод их от земли погубиши, и  
сѣмя их от сыновъ человеческих.  
Яко уклониша на Тя злая,  
помыслиша советы, ихже не  
возмогут составить. Яко  
положиши я хребѣт, во избытцех  
Твоих уготовиши лице их.  
Вознесися, Господи, силою Твоею,  
воспоём и поём силы Твоя.

Слава, и ныне:

**Трисвятѣе.** Сла́ва, и ны́не:

**Пресвята́я Трѣице:**

**Го́споди, помѣлуй. Трижды.** Сла́ва,  
и ны́не: **О́тче наш:**

**И тропари:**

**Спаси́** Го́споди лю́ди Тво́я, / и  
благослови́ досто́яние Тво́е, /  
побе́ды на сопроти́вныя да́руя, / и  
Тво́е сохра́няя Кресто́м Твои́м  
жи́тельство.

**Сла́ва:** **Вознеси́**ся на Крест  
во́лею, / тезоимени́тому Твоему́  
но́вому жи́тельству / щедро́ты  
Тво́я да́руй, Христе́ Бо́же, /  
возвесели́ нас си́лою Тво́ею, /  
побе́ды да́я нам на сопоста́ты, /

посóбие имúщим Твоé ору́жие  
ми́ра, / непобедíмую побéду.

**И** ны́не: **Предста́тельство**  
стра́шное и непосты́дное, / не  
презри Благáя моли́тв на́ших,  
Всепéтая Богорóдице, / утверди́  
правосла́вных жи́тельство: / спаси́  
лю́ди Тво́я, и пода́ждь им с небесе́  
побéду, / занé родила́ еси́ Бо́га,  
еди́на благословéнная.

**Гóсподи, помíлуй. 12.**

**Сла́ва, и ны́не:**

## **ШЕСТОПСАЛМИЕ**

**Сла́ва** в вы́шних Бо́гу, и на землі́  
мир, в челове́цах благоволе́ние.

Трижды.

Гóсподи, устнѣ мой отвѣрзеши, и  
уста́ моя возвестя́т хвалу́ Твою́.

Дважды.

### Псалом 3

Гóсподи, что ся умно́жиша  
стужа́ющие ми́? Мно́зи воста́ют на  
меня, мно́зи глаго́лют души́ мое́й:  
несть спасѣния ему́ в Бóзе его́. Ты  
же, Гóсподи, Засту́пник мой еси́,  
сла́ва моя́ и возно́сяй главу́ мою́.  
Гласом мо́им ко Гóсподу воззва́х, и  
услы́ша мя от горы́ святы́я Своея́.  
Аз усну́х, и спах, воста́х, я́ко  
Госпо́дь заступит мя. Не убою́ся от  
тем люде́й, о́крест напа́дающих на

мя. Воскресни́, Го́споди, спаси́ мя,  
Бо́же мой, я́ко Ты порази́л еси́ вся  
вражду́ющыя ми всу́е: зу́бы  
гре́шников сокруши́л еси́.  
Госпо́дне есть спасе́ние, и на лю́дех  
Твои́х благослове́ние Твое́.

**Аз** усну́х, и спях, воста́х, я́ко  
Госпо́дь засту́пит мя.

### **Псалом 37**

**Го́споди**, да не я́ростию Твое́ю  
обличи́ши мене́, ниже́ гне́вом  
Твои́м нака́жеша мене́. Я́ко стрéлы  
Твоя́ унзо́ша во мне, и утверди́л  
еси́ на мне ру́ку Твою́. Нестъ  
исцелéния в плóти моéй от лица́  
гне́ва Твоегó, несть ми́ра в костéх

моих от лица грех моих. Яко  
беззакония моя превзыдоша главу  
мою, яко бремя тяжкое отяготеша  
на мне. Возсмердеша и согниша  
раны моя от лица безумия моего.  
Пострадах и слякохся до конца,  
весь день сетуя хождях. Яко лядвия  
моя наполнишася поруганий, и  
несть исцеления в плоти моей.  
Озлоблен бых и смирихся до зела,  
рыках от воздыхания сердца  
моего. Господи, пред Тобою все  
желание мое и воздыхание мое от  
Тебе не утайся. Сердце мое  
смятется, остави мя сила моя, и свет  
очию моею, и той несть со мною.  
Друзи мой и искреннии мой прямо

мне прибли́жишася и ста́ша, и  
бли́жнии мой́ отдалече мене́ ста́ша  
и нужда́хуся и́щущи ду́шу мою́, и  
и́щущи зла́я мне глаго́лаху  
су́етная и льсти́вным весь день  
поуча́хуся. Аз же я́ко глух не  
слы́шах и я́ко нем не отверза́яй уст  
свои́х. И бых я́ко челове́к не  
слы́шай и не имы́й во устéх свои́х  
обличéния. Я́ко на Тя, Го́споди,  
упова́х, Ты услы́шиши, Го́споди  
Бо́же мой. Я́ко рех: да не когда́  
пора́дуют ми ся врази́ мой: и  
внегда́ подвижа́тися нога́м мо́им,  
на мя велеречева́ша. Я́ко аз на  
ра́ны гото́в, и болéзнь моя́ предо  
мно́ю есть вы́ну. Я́ко беззакóние

моё аз возвещу́ и попеку́ся о гресе́  
моём. Врази́ же мой́ живу́т и  
укрепи́шася па́че мене́, и  
умно́жишася ненави́дящии мя без  
пра́вды. Воздаю́щии ми зла́я  
возблагая́ оболга́ху мя, зане́ гоня́х  
благосты́ню. Не оста́ви мене́,  
Го́споди Бо́же мой, не отступи́ от  
мене́. Вонми́ в по́мощь мою́,  
Го́споди спасе́ния моего́.

**Не оста́ви мене́, Го́споди Бо́же  
мой, не отступи́ от мене́. Вонми́ в  
по́мощь мою́, Го́споди спасе́ния  
моего́.**

## **Псалом 62**

**Бо́же, Бо́же мой, к Тебе́ у́треннюю,**

возжада́ Тебѣ́ душа́ моя́, коль  
мно́жицею Тебѣ́ плоть моя́, в землі́  
пу́сте и непрохо́дне, и безво́дне.  
Та́ко во святѣ́м яви́хся Тебѣ́, ви́дети  
си́лу Твою́ и сла́ву Твою́. Я́ко лу́чши  
ми́лость Твоя́ па́че живо́т, устне́  
мои́ похва́лите Тя. Та́ко  
благословлю́ Тя в животе́ моём, о  
и́мени Твоём воздежу́ ру́це мои́.  
Я́ко от ту́ка и ма́сти да испо́лнится  
душа́ моя́, и устна́ма ра́дости  
восхва́лят Тя уста́ моя́. А́ще  
помина́х Тя на постѣ́ли моёй, на  
у́тренних поуча́хся в Тя. Я́ко был  
еси́ Помо́щник мой, и в кро́ве  
крилу́ Твоёю возра́дуюся. Прильпе́  
душа́ моя́ по Тебѣ́, менѣ́ же при́ят

десница Твоя. Тии же все искаша  
душу мою, внидут в преисподняя  
земли, предадутся в руки оружия,  
части лисовом будут. Царь же  
возвеселится о Бозе, похвалится  
всяк кленыйся Им, яко  
заградися уста глаголющих  
неправедная.

На утренних поучахся в Тя. Яко  
был еси Помощник мой, и в крове  
крилу Твоею возрадуюся. Прильпе  
душа моя по Тебе, мене же прият  
десница Твоя.

Слава, и ныне:

Аллилуия, аллилуия, аллилуия,  
слава Тебе Боже. Трижды, без

**ПОКЛОНОВ.**

**Гóсподи помíлуй. Трижды.**

**Сла́ва, и ны́не:**

**Псалом 87**

**Гóсподи Бóже спасéния моего́,  
во дни воззва́х, и в но́щи пред  
Тобо́ю. Да вни́дет пред Тя моли́тва  
моя́: приклони́ у́хо Твое́ к молéнию  
моему́, я́ко испóлнися зол душа́  
моя́, и живóт мой аду прибли́жися.  
Привменéн бых с низходя́щими в  
ров, бых я́ко челове́к без по́мощи, в  
ме́ртвых свобóдь, я́ко я́звеннии  
спя́щии во грóбе, ихже не помяну́л  
еси́ ктому́, и тии от руки́ Твоея́  
отриновéни бы́ша. Положи́ша мя в**

рѡве преиспѡднем, в тѣмных и сѣни  
смѣртней. На мене утвердѣся ярость  
Твоя, и вся вѡлны Твоя навѣл еси  
на мя. Удалил еси знаемых моих от  
менѣ, положиша мя мѣрзость себѣ:  
прѣдан бых и не исхождах. Очи мой  
изнемогѡсте от нищеты, воззвах к  
Тебѣ, Гѡсподи, весь день, вздох к  
Тебѣ рѹце мой. Еда мѣртвыми  
твориши чудеса? Или врачеве  
воскресѣт, и исповѣдятся Тебѣ? Еда  
повѣсть кто во грѡбе мѣлость  
Твою, и истину Твою в погѣбели?  
Еда познана бѹдут во тьме чудеса  
Твоя, и правда Твоя в земли  
забвенней? И аз к Тебѣ, Гѡсподи,  
воззвах и ѹтро молитва моя

предварит Тя. Вскую, Господи, отрееши душу мою, отвращаеши лице Твое от мене? Нищ есмь аз, и в трудех от юности моея; вознес же ся, смирихся, и изнемогах. На мне преидоша гневи Твои, устрашения Твоя возмутisha мя, обыдоша мя яко вода, весь день одержаша мя вкупе. Удалил еси от мене друга и искренняго, и знаемых моих от страстей.

Господи Боже спасения моего, во дни возвах, и в нощи пред Тобою. Да внидет пред Тя молитва моя: приклони ухо Твое к молению моему.

Псалом 102

**Б**лагослові, душе́ моя, Го́спода, и  
вся вну́тренняя моя́ ймя свя́тое  
Его́. Благослові, душе́ моя́,  
Го́спода, и не забыва́й всех  
возда́ний Его́, очища́ющего вся  
беззако́ния тво́я, исцеля́ющего вся  
неду́ги тво́я, избавля́ющего от  
истле́ния живо́т твой, венча́ющего  
тея́ ми́лостью и щедро́тами,  
исполня́ющего во благо́х желáние  
твоё: обнов́ится я́ко орля́ ю́ность  
тво́я. Твори́ ми́лостыни Го́сподь, и  
судбу́ всем обидимым. Сказа́ пути́  
Сво́я Моисе́ови, сыновомъ  
Изра́илевымъ хотéния Сво́я: Щедр и  
Ми́лостив Го́сподь, Долготерпели́в  
и Многоми́лостив. Не до конца́

прогнѣвается, ниже во век  
враждует, не по беззаконіем  
нашим сотворил есть нам, ниже по  
грехом нашим воздал есть нам.  
Яко по высотѣ небесней от земли,  
утвердил есть Господь милость  
Свою на боящихся Его. Елико  
отстоят востocy от запад, удалил  
есть от нас беззаконія наша.  
Якоже щедрит отец сыны, ущедри  
Господь боящихся Его. Яко Той  
позна создание наше, помяну, яко  
персть есмь. Человек, яко трава  
дние его, яко цвет сѣльный, тако  
оцветет, яко дух пройде в нем, и не  
будет, и не познает ктому места  
своего. Милость же Господня от

вѣка и до вѣка на боящихся Его́, и  
пра́вда Его́ на сынѣх сынѡв,  
хранящих заветъ Его́, и по́мнящих  
за́поведи Его́ творити я́. Господь на  
Небесѣх угото́ва Престо́л Свой, и  
Ца́рство Его́ все́ми облада́ет.  
Благослови́те Го́спода вси А́нгели  
Его́, си́льнии крѣпостию,  
творя́щи сло́во Его́, услы́шати  
глас словѣс Его́. Благослови́те  
Го́спода вся Си́лы Его́, слугѣ́ Его́,  
творя́щи во́лю Его́. Благослови́те  
Го́спода вся дела́ Его́, на вся́ком  
ме́сте влады́чества Его́,  
благослови́, душе́ моя́, Го́спода.

**Н**а вся́ком ме́сте влады́чества  
Его́, благослови́, душе́ моя́, Го́спода.

## Псалом 142

Гóсподи, услы́ши моли́тву мою́,  
внуши́ моле́ние моё во и́стине  
Твоёй, услы́ши мя в пра́вде Твоёй и  
не вни́ди в суд с рабо́м Твои́м, я́ко  
не оправди́тся пред Тобо́ю всяк  
живы́й. Я́ко погна́ враг ду́шу мою́,  
смирíл есть в зéмлю живóт мой,  
посади́л мя есть в тёмных, я́ко  
мёртвыя вéка. И уны́ во мне дух  
мой, во мне смяте́ся сёрдце моё.  
Помяну́х дни дрéвния, поучи́хся во  
всех дéлех Твои́х, в творéниях руку́  
Твоёю поуча́хся. Воздéх к Тебé рúце  
мой, душа́ моя́, я́ко земля́  
безвóдная Тебé. Ско́ро услы́ши мя,  
Гóсподи, исчезé дух мой, не

отврати́ лица́ Твоего́ от мене́, и  
уподо́блюся низходя́щим в ров.  
Слы́шану сотвори́ мне за́втра  
ми́лость Твою́, я́ко на Тя упова́х.  
Скажи́ мне, Го́споди, путь во́ньже  
пойду́, я́ко к Тебе́ взях ду́шу мою́.  
Изми́ мя от враг мои́х, Го́споди, к  
Тебе́ прибего́х. Научи́ мя твори́ти  
во́лю Твою́, я́ко Ты еси́ Бог мой. Дух  
Твой Благо́й наста́вит мя на зе́млю  
пра́ву. Имене́ Твоего́ ра́ди, Го́споди,  
живи́ши мя, пра́вдою Твое́ю  
изведе́ши от печа́ли ду́шу мою́. И  
ми́лостью Твое́ю потреби́ши враги́  
моя́ и погуби́ши вся стужа́ющыя  
души́ моёй, я́ко аз раб Твой есмь.

**У**слы́ши мя, Го́споди, в пра́вде

Твоёй и не вни́ди в суд с рабо́м  
Твои́м.

Услы́ши мя, Го́споди, в пра́вде  
Твоёй и не вни́ди в суд с рабо́м  
Твои́м.

Дух Твой Благый наста́вит мя на  
зе́млю пра́ву.

Сла́ва, и ны́не:

Аллилу́ия, аллилу́ия, аллилу́ия,  
сла́ва Тебе́ Бо́же. Трижды.

Го́споди, поми́луй. 12.

Сла́ва, и ны́не:

Бог Госпо́дь и тропари́

Глас 2:

**Б**ог Господь и явился нам,  
благословен Грядый во имя  
Господне.

**Стих:** Исповедаетесь  
Господеви, яко благ, яко в  
век милость Его.

**Б**ог Господь и явился нам,  
благословен Грядый во имя  
Господне.

**Стих:** Обышедше обыдоша  
мя и именем Господним  
противляхся им.

**Б**ог Господь и явился нам,  
благословен Грядый во имя  
Господне.

**Стих:** Не умру, но жив буду и

повём делá Господня.

**Бог** Господь и явися нам,  
благословён Грядый во имя  
Господне.

**Стих:** Камень, Егóже  
небрегóша зйждущии, Сей  
бысть во главú угла, от  
Гóспода бысть Сей и есть  
дйвен во очесéх нáших.

**Бог** Господь и явися нам,  
благословён Грядый во имя  
Господне.

**Тропари, глас 2:**

**Благообразный Иосиф, с дрéва  
снем Пречйстое Тéло Твоé,  
Плащаницею чйстою обвив, и**

**воня́ми во гробе но́ве покрыв  
положи́.**

**С**ла́ва Отцу́, и Сы́ну, и Свято́му  
Ду́ху.

**Е**гда́ снизше́л еси́ к сме́рти,  
Животе́ Безсме́ртный, тогда́ ад  
умертви́л еси́ блиста́нием  
Бо́жества. Егда́ же и умёршыя от  
преиспо́дних воскреси́л еси́, вся  
Си́лы Небе́сныя взыва́ху:  
Жизнода́вче Христé Бо́же наш,  
сла́ва Тебе́.

**И** ны́не и прісно, и во ве́ки  
векóв. **А**ми́нь.

**М**ирно́сицам же́нам, при  
гробе́ предста́в А́нгел вопи́яше:

**міра мёртвым суть прилічна,  
Христос же ислѣнія явіся  
чуждь.**

## **НЕПОРОЧНЫ И ПОХВАЛЫ, ГЛАС 5**

**Благословѣн еси, Господи, научи  
меня оправданіем Твоім.**

### **Статія пѣрвая**

**Блажѣни непорочнии в путь,  
ходящии в законѣ Господни.**

**Жизнь во гробѣ положился  
еси, Христѣ, и ангельская  
воинства ужасяхуся,  
снизхождѣние славяще Твоѣ.**

**Блажѣни испытующии свидѣнія  
Его, всем сердцем взыщут Его.**

**Ж**ивотé, кáко умираéши? Кáко и во грóбе обитаéши? Смёрти же Цáрство разрушáеши, и от ада мёртвыя возстáвляеши?

**Н**е дéлающи бó беззакóния, в путéх Егó ходи́ша.

**В**еличáем Тя, Иисúсе Царю́, и чтем погребéние и страдáния Тво́я, íмиже спасл еси́ нас от ислéния.

**Т**ы заповéдал еси́ заповеди Тво́я сохранíti зело́.

**М**éры земли́ положívый, в мáлом обитаéши, Иисúсе Всецарю́, грóбе **днесь**, от гробóв мёртвыя возстáвляй.

Да бы исправилися путиé мой,  
сохранíti оправдáния Твоя́.

**Иисусе Христé мой, Царю́ всех,**  
что ища к сущым во áде пришёл  
еси́? Или́ род отрешíti  
человéческий?

Тогда́ не постыжуся, внегда́  
призрети ми на вся заповеди Твоя́.

**Владыка всех зрится мертв, и**  
во грóбе нóвем полага́ется,  
истощи́вый грóбы мёртвых.

Исповёмся Тебé в правости  
сёрдца, внегда́ научíti ми ся  
судьбам правды Твоея́.

**Животé во грóбе положи́лся**  
еси́, Христé: и смёртию Твоёю

**смерть погубил еси, и источил еси мiрови жизнь.**

**О**правдания Твоя сохраню, не остави мене до зела.

**С**о злодеи яко злодей, Христэ, вменился еси, оправдая нас всех от злодейства древняго запинателя.

**В**чесом исправит юнейший путь свой? Внегда сохранити словеса Твоя.

**К**расный добротою паче всех человек, яко безрачен мертв является, естество украсивый всех.

**В**сем сердцем моим взысках

Тебѣ, не отрини мене от заповедей  
Твоих.

**А**д како стерпит, Спасе,  
пришествие Твое, а не паче  
болѣзнует омрачаемь, блистания  
Света Твоего зарю ослеплен.

**В** сердце моем скрых словеса  
Твоя, яко да не согрешу Тебе.

**И**сусе, Сладкий мой и  
спасительный Свете, во гробе  
како темном скрылся еси? О  
несказанного и неизреченного  
терпения!

**Б**лагословен еси, Господи, научи  
меня оправданием Твоим.

**Н**едоумевает и естество умное,

**и мно́жество безплóтное, Христé,  
та́инства несказáннаго и  
неизречéннаго Твоегó  
погребéния.**

**У**стна́ма мо́йма возвестíх вся  
судьбы́ уст Тво́их.

**О** чудéс стрáнных! О вещьéй  
но́вых! Дыхáния моего́ Подáтель  
бездыхáнен но́сится, погребáем  
рука́ма Ио́сифовыма.

**Н**а путí свидéний Тво́их  
наслади́хся, я́ко о вся́ком  
богатстве.

**И** во гроб заше́л еси́, и недр,  
Христé, Отéческих ника́коже  
отлучи́лся еси́: сиé стрáнное и

**пресла́вное кúпно.**

**В** за́поведех Твои́х поглумлю́ся,  
и уразумёю пути́ Тво́я.

**И**стинный Небесé и земли́  
Царю́, аще и во грóбе малéйшей  
заклучи́лся еси́, позна́лся еси́  
всей твáри, Иисúсе.

**В**о оправдáниях Твои́х поучúся,  
не забúду словéс Твои́х.

**Т**ебé положéну во грóбе.  
Создáтелю Христé, áдская  
подвизáшася основáния, и грóби  
отверзóшася челове́ком.

**В**озда́ждь рабú Твоемú, живи́ мя,  
и сохраню́ словеса́ Тво́я.

**З**емлю Содержай дланию,  
умерщвлён плотию, под землею  
ныне содержитя, мёртвыя  
избавляя адова содержания.

**О**ткрой очи мой, и уразумею  
чудеса от закона Твоего.

**И**з истления возшёл еси  
Животе, Спасе мой, Тебе умершу,  
и к мёртвым пришедшу, и  
сломившу адовы верей.

**П**ришлец аз есмь на земли, не  
скрый от Мене заповеди Твоя.

**Я**коже света Светильник, ныне  
плоть Божия, под землю яко под  
спуд крыется, и отгоняет сущую  
во аде тьму.

**В**озлюбí душа́ моя́ возжелати  
судьбы Тво́я на всякое вре́мя.

**У**мных стека́ется во́инств  
мно́жество со Ио́сифом и  
Никоди́мом, погребсти́ Тя  
невместíмага во грóбе мале.

**З**апретíл еси́ го́рдим, про́кляти  
уклоня́ющийся от за́поведей  
Твои́х.

**У**мерщвлён во́лею, и положён  
под землёю, Жизнотóчне Иису́се  
мой, оживíл еси́ умерщвлена́ мя  
преступлénием го́рьким.

**О**тими́ от Мене́ поно́с и  
уничже́ние, я́ко свидéний Твои́х  
взысках.

**И**змѣняшеся вся тварь  
страстию Твоею, вся бо Тебѣ,  
Словѣ, сострадѣху, Содержителя  
Тя вѣдуще всех.

**И**бо седѣша князи, и на мя  
клеветѣху: раб же Твой  
глумляшеся во оправданіих Твоих.

**Ж**ивотѣ Кáмень во чрѣве  
приѣм ад всеядец изблева, от  
вѣка яже поглотит мѣртвыя.

**И**бо свидѣнія Твоя поучѣние  
моѣ есть, и совѣти мой оправданія  
Твоя.

**В**о грѣбе нѣве положился еси,  
Христѣ, и естество челоуѣческое  
обновил еси, воскрес благолѣпно

**из мёртвых.**

**П**рильпé земли душа́ моя́, живи́  
мя по словеси́ Твоему́.

**Н**а зéмлю сшел еси́, да  
спасе́ши Адама, и на земли́ не  
обре́те сегó, Влады́ко, да́же до  
ада снизше́л еси́ ища́й.

**П**ути́ моя́ возвестих, и услы́шал  
меня еси́, научи́ мя оправда́нием  
Твои́м.

**С**отрясе́ся стра́хом, Сло́ве, вся  
земля́, и денница́ лучы́ скры,  
велича́йшему в земли́  
сокровённому Твоему́ свéту.

**П**уть оправда́ний Твои́х вразуми́  
ми, и поглумлю́ся в чудесе́х Твои́х.

**Я**ко человек úбо умираеши  
волею, Спа́се, яко Бог же  
смёртныя возста́вил еси́ от  
гробóв, и глубины́ грехóвныя.

**В**оздрема́ душа́ моя́ от уны́ния,  
утверди́ мя в словесéх Твои́х.

**С**лезотóчная рыда́ния на Тебе́,  
Чи́стая, Ма́терски, о Иису́се,  
накрапля́ющи вопия́ше: ка́ко  
погребу́ Тя, Сы́не?

**П**уть неправды отста́ви от Мене́,  
и зако́ном Твои́м помíлуй мя.

**Я**коже пшени́чное зёрно,  
зашéd в нédра земна́я,  
многопéрстный возда́л еси́ клас,  
возста́вив челове́ки, я́же от

**Адама.**

**П**уть истины изво́лих, и судьбы́  
Твоя́ не забых.

**П**од землёю скры́лся еси́ яко  
со́лнце ны́не, и но́щию смёртною  
покровён был еси́, но возсия́й  
светле́йше, Спа́се.

**П**рилепи́хся свидением Твои́м,  
Го́споди, не посрами́ мене́.

**Я**коже со́лнечный круг, луна́,  
Спа́се, сокрыва́ет, и Тебе́ ны́не  
гроб скры, сконча́вшагося  
смёртию плóтски.

**П**уть за́поведей Твои́х текóх,  
егда́ разшири́л еси́ се́рдце моё.

**Ж**ивот смерти вкусивый  
Христос, от смерти смертных  
свободит, и всем ныне дарует  
жизнь.

**З**аконоположи мне, Господи,  
путь оправданий Твоих и взыщу и  
вину.

**У**мерщвлена древле Адама  
завистно, возводиши к животу  
умерщвлением Твоим, новый,  
Спасе, во плоти явлейся Адам.

**В**разуми мя, и испытаю закон  
Твой, и сохраню и всем сердцем  
моим.

**У**мнии ты чини, простерта  
мертва зряще нас ради,

**ужасахуся, покрываеми крильї,  
Спáсе.**

**Настáви мя на стезю заповедей  
Твои́х, ꙗко ту́ю восхотѣх.**

**Снем тя, Сло́ве, от дрéва  
мёртва, во грóбе Иóсиф ны́не  
положї, но востáни спаса́яй вся  
ꙗко Бог.**

**Приклонї́ сёрдце моё во  
свидѣния Твоѧ, а не в лихо́ймство.**

**А́нгельская, Спáсе, рáдость  
быв, ны́не и печáли сим был еси́  
вино́вен, вїдим плóтию  
бездыхáнен мертв.**

**Отвратї́ о́чи мой, е́же не вїдети  
суе́ты, в путї́ Твоём живї́ мя.**

**В**ознёслся есі на дрéве, и живущія челове́ки совозно́сиши: под землёю же быв, лежа́щія под не́ю воскреша́еши.

**П**оста́ви рабу Твоему́ сло́во Твоё в страх Твой.

**Я**коже лев, Спа́се, уснув плóтию, я́ко не́кий скімен мертв воста́еши, отложі́в ста́рость плотску́ю.

**О**тымі́ поноше́ние моё, е́же непщева́х, я́ко судьбы Тво́я благи.

**В** ре́бра прободён был есі, ребро́ взёмый Адамле, от негóже Ёву созда́л есі, и источі́л есі

## **ТОКИ ЧИСТІТЕЛЬНЫЯ.**

**С**е возжелáх зáповеди Твоя́, в правде Твоёй живи́ мя.

**Т**áйно ўбо дрéвле жрётся А́гнец, Ты же я́ве жрен быв, Незлóбиве, всю тварь очисти́л еси́, Спа́се.

**И** да при́дет на мя мѝлость Твоя́, Гóсподи, спасéние Твоё по словеси́ Твоему́.

**К**тó изречёт образ стра́шный  
вои́стинну нóвый?  
Влады́чествуяй бо  
твáрию, днесь страсть приёмлет,  
и умира́ет нас ра́ди.

**И** отвеща́ю поноша́ющим ми

сло́во: я́ко упова́х на словеса́ Твоя́.

**Ж**ивота́ Сокро́вище, ка́ко зрѣтся ме́ртвый, ужа́сающе́ся а́нгели взыва́ху? Ка́ко же во гробе́ заключáется Бог?

**И** не отымѣ́ от уст моѣ́х словесе́ и́стинна до зела, я́ко на судьбы́ Твоя́ упова́х.

**К**опи́ем прободѣннаго, Спа́се, из ребра́ Твоего́, живо́т живото́м из живота́ спа́сшаго мя иска́паеши, и живѣ́ши мя с ним.

**И** сохраню́ зако́н Твой вѣ́ну, в век и в век ве́ка.

**Р**аспростѣ́рт на дрѣ́ве, собра́л еси́ челове́ки: в ре́бра же

**прободён, животóчное всем  
оставлénие источáеши, Исусе.**

**И** хождáх в широтé, я́ко заповеди  
Твоя́ взысках.

**Благообразный, Спáсе,  
образует стра́шно, и погребáет  
Тя я́ко мёртва благообразно, и  
ужасается Твоегó образа  
стра́шнаго.**

**И** глаго́лах о свидéниях Твои́х  
пред царí, и не стыд́яхся.

**Под землёю хотéнием низшéd  
я́ко мертв, возвóдиши от земл́и к  
небéсным оттúду пáдшыя,  
Исусе.**

**И** поучáхся в заповедех Твои́х,

яже возлюбих зело.

**А**ще и мертв виден был еси, но живый яко Бог возводиши от земли к небесным оттуда падшыя, Иисусе.

**И** воздвигох рuce мой к заповедем Твоим, яже возлюбих.

**А**ще и мертв виден был еси, но жив яко Бог, умерщвленныя человеки оживил еси, моего умертвив умертвителя.

**И** глумляхся во оправданиях Твоих.

**О**, радости, оныя! О, многия сладости! Ихже во аде наполни еси, во днах мрачных свет

**ВОЗСІЯВ.**

**П**омяні́ слова Тво́я рабу  
Твоему́, іхже упова́ние дал ми еси́.

**П**окланя́юся стра́сти, воспева́ю  
погребѣ́ние, велича́ю Твою́  
держа́ву, Человеколю́бче, імиже  
свободи́хся страсте́й тлетво́рных.

**Т**о мя утѣши во смире́нии моём,  
яко сло́во Твоѣ живи́ мя.

**Н**а Тя меч обнажи́ся, Христе́, и  
меч кре́пкаго ўбо притупля́ется,  
и меч же обраща́ется Еде́мский.

**Г**орди́и законопреступова́ху до  
зела́, от зако́на же Твоего́ не  
уклони́хся.

**А**гница **А**гнца зрящи в  
заколѣнии, остриѣм прободѣема  
рыдѣше, сподвѣгши и стадо  
вопѣти.

**П**омянух судьбы Твоя от вѣка,  
Господи, и утѣшихся.

**А**ще и во гробѣ погребѣешися,  
аще и во ад ѣдѣши; но и гробы  
истошил еси, и ад обнажил еси,  
Христѣ.

**П**ечаль прѣят мя от грѣшник,  
оставляющих закон Твой.

**В**олею снишел еси, Спасе, под  
зѣмлю, умерщвлѣнный человеки  
оживил еси, и возвел еси во  
славе Отчей.

**П**éта бяху мнé оправдáния Твоя  
на мéсте пришéльствия моего.

**Т**рóицы Ед́ин во плóти нас  
ра́ди понóсную претерпé смерть,  
ужасáется же сóлнце, и трепéщет  
земля.

**П**омяну́х в нощ́и Ёмя Твоё,  
Гóсподи, и сохран́их закон Твой.

**Я**ко от истóчника гóрькаго,  
Иудова колéна исчáдия в рóве  
полож́иша, питáтеля маннодáвца  
Иисúса.

**С**ей бысть мне, я́ко оправдáний  
Тво́их взысках.

**С**удия́ я́ко суд́имь пред  
Пилáтом суди́ею, и предста́, и

**смертию неправедною осуждён  
бысть, дрéвом крéстным.**

**Часть** моя еси,  
Гóсподи, **Рех** сохранíти закóн  
Твой.

**Гóрдый** Изра́илю,  
убíйственнии лю́дие, что  
пострада́вше, Варáвву  
свободíсте, и Спáса преда́сте  
Кресту́?

**Помоли́хся** лицу́ Твоему́ всем  
сёрдцем мо́им, помíлуй мя по  
словесí Твоему́.

**Руко́ю** Твое́ю созда́вый Ада́ма  
от земли, тогó ра́ди естество́м  
был еси́ Чело́век, и распялся еси́

**во́лею Твоёю.**

**П**омыслих пути́ Тво́я, и  
возврати́х но́зе мо́й во свидѣния  
Тво́я.

**П**ослушав, Слове, Отца́ Твоего́,  
да́же до а́да лютаго соше́л еси́, и  
воскреси́л еси́ род челове́ческий.

**У**гото́вихся, и не смути́хся  
сохранити́ за́поведи Тво́я.

**У**вы мне, Свѣте ми́ра, увы мне,  
Свѣте Мой, Иисúсе Мой  
возжелѣнный, вопия́ше Дѣва,  
рыда́ющи го́рько взыва́ше.

**У**жя грѣшник обяза́шася мне, и  
зако́на Твоего́ не забых.

**З**авѣстливи и убійственни и гóрди лю́дие, понé плащаницы и сударя́ Самаго́ да стыдятся, воскрѣсшу Христу́.

**П**олунощи воста́х, испове́даться Тебе́ о судьба́х пра́вды Твоея́.

**П**рииди́ убо, сквѣрный убійце ученичѣ, и нрав злѣбы Твоея́ покажи́ ми, ѡмже был еси́ предатель Христовъ.

**П**рича́стник аз есмь всем боя́щимся Тебе́, и храня́щим за́поведи Твоя́.

**Я**ко Человеколю́бив некто притворя́ешися бѣе, и слѣпе всегубительнейший, неvéрный,

**ми́ро прода́вый на цене́.**

**М**и́лости Твоея́, Го́споди,  
испо́льнь земли́, оправда́нием  
Твои́м научи́ мя.

**Н**ебе́снаго ми́ра кую́ имёл еси́  
це́ну многоце́ннаго? Ко́е прия́л  
еси́ противодосто́йное;  
неи́стовство обрёл еси́  
прокля́тейший сатано́.

**Б**ла́гость сотвори́л еси́ с рабо́м  
Твои́м, Го́споди, по словеси́ Твоему́.

**А́**ще нищелюбец еси́, и о ми́ре  
печа́луеши исто́щае́мом во  
очи́ще́ние ду́ш, ка́ко на зла́те  
прода́еши светоза́рна?

**Б**ла́гости, и наказáнию и ра́зуму

научи́ мя,́ я́ко за́поведем Твои́м  
вѣровах.

**О**, Бóжий Сло́ве! О, ра́досте  
моя́! Ка́ко претерплю́  
триднёвное Твоё погребёние?  
Ны́не терза́юся ут́робою  
ма́терски.

**П**ре́жде да́же не смири́ти ми ся,  
аз прегреш́их, сегó ра́ди сло́во Твоё  
сохрани́х.

**К**то даст Ми воду и слез  
истóчники, Богоневéстная Дéва  
взыва́ше: да воспла́чу сла́дкого  
Ми Иисúса.

**Б**лаг еси́ Ты, Го́споди, и  
бла́гостию Твоёю научи́ мя

оправданием Твоим.

**О** горы и холмы, и человеков множества восплачтитеся, и вся рыдайте со Мною Бога вашего Материю.

**У**множися на мя неправда гордых, аз же всем сердцем моим испытаю заповеди Твоя.

**Когда** вижду Тя, Спасе, безлётнаго Света, радость и сладость сердца моего? Дева горько вопияше.

**У**сырися яко млекó сердце их, аз же закону Твоему поучихся.

**Аще** и яко камень, Спасе, краесекóмый, Ты приял еси

**сече́ние, но исто́чил еси́ живу́ю  
струю́, я́ко Исто́чник сый жи́зни.**

**Бла́го** мне, я́ко смири́л мя еси́,  
я́ко да научу́ся оправда́нием  
Твои́м.

**Я́ко** от исто́чника еди́наго  
сугу́бою реко́ю ребро́м Твои́м  
излива́ющим напо́яющеся,  
безсме́ртную приобрета́ем  
жизнь.

**Благ** мне зако́н уст Твои́х, па́че  
ты́сящ зла́та и сребра́.

**Бо́лею** яви́лся еси́, Сло́ве, во  
гробе́ мертв, но живёши, и  
челове́ки, я́коже предрéкл еси́,  
воскресе́нием Твои́м, Спа́се мой,

**воздвизáеши.**

**С**ла́ва Отцу́, и Сы́ну, и Свято́му  
Ду́ху.

**В**оспева́ем, Сло́ве, Тебе́, всех  
Бо́га, со Отце́м и Святы́м Твои́м  
Ду́хом, и сла́вим Божéственное  
Твоé погребéние.

**И** ны́не, и прýсно, и во ве́ки  
векóв. **А**ми́нь.

**Б**лажи́м Тя, Богоро́дице  
Чи́стая, и почита́ем тридне́вное  
погребéние Сы́на Твоего́, и Бо́га  
нашего ве́рно.

**И па́ки:**

**Ж**изнь во грóбе положи́лся

есі, Христé, и Ёнгельская  
вóинства ужасáхуся,  
снизхождéние слáвяще Твое.

Гóсподи, помíлуй. Трижды.

Слáва, и нýне:

Статія вторáя

Достóйно есть величáти Тя  
Жизнодáвца, на Крестé рýце  
простёршаго, и сокру́шшаго  
держáву вра́жию.

Рýце Твои́ сотвори́сте мя, и  
создаете мя; вразуми́ мя, и научýся  
зáповедем Твои́м.

Достóйно есть величáти Тя,  
всех Зиждітеля; Твои́ми бо

**страдánьми íмамы безстра́стие,  
избáвльшесея тлénия.**

**Б**о́ящиися Тебé úзрят мя и  
возвеселя́тся, я́ко на словеса́ Тво́я  
упова́х.

**У**жасéся земл́я, и со́лнце,  
Спа́се, скры́ся, Тебé Невечéрнему  
Свету, Христé, заше́дшу во грóбе  
плóтски.

**Р**азумéх, Го́споди, я́ко пра́вда  
судьбы́ Тво́я, и во́истинну смири́л  
мя еси́.

**У**сну́л еси́, Христé,  
естественноживóтным сном во  
грóбе, и от тяжкаго сна  
грехóвнаго воздв́игл еси́ род

**человѣческий.**

**Б**уди же мѣлость Твоя, да утѣшит мя по словесѣ Твоему рабу Твоему.

**Е**дина жен кромѣ болѣзней родѣх Тя, Чадо, болѣзни же ныне терплю страстию Твоею нестерпѣмая, глаголаше Чѣстая.

**Д**а прийдут мне щедроты Твоя, и жив буду, яко закон Твой поучѣние мое есть.

**Г**орѣ Тя, Спасе, неразлучно со Отцем суща, доле же мѣртва простѣрта на землѣ ужасаются зряще Серафѣми.

**Д**а постыдѣтся гордѣи, яко

непра́ведно беззако́нноваша на мя,  
аз же поглумлю́ся в за́поведех  
Твои́х.

**Раздира́ется** церко́вная завеса  
Твои́м распя́тием, покрыва́ют  
свети́ла, Сло́ве, свет, Тебе́  
скрýвшуся со́лнцу под зéмлю.

**Да** обратят мя бо́ящиися Тебе́, и  
вѣда́щи свидѣ́ния Тво́я.

**Земли́** из начала еди́нем  
ма́нием водрузи́вый круг  
бездыха́нен, я́ко челове́к, за́йде  
под зéмлю: ужасни́ся видѣ́нием  
не́бо.

**Буди** се́рдце мое непоро́чно во  
оправда́ниих Твои́х, я́ко да не

постыжуся.

**З**ашёл еси́ под зёмлю, руко́ю  
Твоёю созда́вый челове́ка, да  
воздвигнеши от паде́ния собо́ры  
челове́ческиея **в**сесильно́ю  
державо́ю.

**И**счезает во спасе́ние Твоё душа́  
моя́, на словеса́ Твоя́ уповах.

**П**лач священны́й приидите  
воспойм Христу́ умершему, яко  
древле жены́ мирно́сицы, да и  
ра́дуйся услы́шим с ними́.

**И**счезо́ша о́чи мой́ в сло́во Твоё,  
глаго́люще: когда́ утэшиши мя?

**М**иро во́истинну еси́ Ты, Сло́ве,  
неисто́щимо́е: те́мже Ти и ми́ра

**приноша́ху, я́ко ме́ртву живо́му,  
жены́ миронóсицы.**

**Зане́ бых я́ко мех на сла́не,  
оправда́ний Твои́х не забых.**

**А́дова у́бо погребён Ца́рствия,  
Христé, сокруша́еши, сме́ртию  
же смерть умерщвля́еши, и  
тлénия **свобождáеши**  
земнорóдныя.**

**Ко́лико есть дней раба́ Твоегó?  
Когда́ сотвори́ши ми от гоня́щих  
меня́ суд?**

**То́ки жи́зни пролива́ющая  
Бо́жия Премúдрость, во гроб  
заходя́щи животвори́т сýщия, в  
незаходíмых а́довых ме́стех.**

**П**овѣдаша мне  
законопреступницы глумлѣния, но  
не яко законъ Твой, Господи.

**Д**а **ч**еловѣческое **о**бновлю  
сокрушенное **е**стество, уязвлен  
есмы смертию хотя плотию, Мати  
Моя, не терзайся рыданьми.

**В**ся **з**аповеди Твоя истина,  
неправедно погнаша мя, помози  
ми.

**З**ашел еси под землю  
Светоносец правды, и мертвыя  
якоже от сна воздвигл еси, отгнав  
всякую тьму сущую во аде.

**В**мале не скончаша мене на  
земли: аз же не оставих заповедей

Твоих.

**Зерно** двоерасленное,  
естественножизненное, в бока  
земная сее́тся со слезами **днесь**:  
но прозябше, мир  
радостносотворит.

По милости Твоей живи́ мя, и  
сохраню́ свидения уст Твоих.

**Убо́йся** Адам, Бо́гу ходя́щу в  
рай, радуется же ко аду  
соше́дшу, пады́й пре́жде, и ны́не  
воздвиза́емь.

Во век, Го́споди, сло́во Твое́  
пребыва́ет на Небеси́.

**Жрет** Тебе́ же́ртвы слезныя  
Ро́ждшая Тя, Христе́, плотию

**положѣну во грѣбе, вопиюще:  
востани, Чáдо, якоже предрекл  
еси.**

**В** род и род истина Твоя, основал  
еси зѣмлю и пребывает.

**Во грѣбе Иосиф благоговѣнно  
Тя нѡвем сокрывáя, пѣсни  
исходныя благолѣпныя поёт  
Тебѣ, смешѣныя рыдáньми,  
Спáсе.**

**У**чинѣнием Твоим пребывает  
день, яко всяческая работна Тебѣ.

**Г**воздьми Ты Кресту  
пригвождѣна, Мати Твоя, Слѡве,  
зрящи, гвоздьми печáли горькия  
пронзáет, и стрѣлами дýшу.

**Я**ко áще бы не закóн Твой поучéние моé был, тогда́ убо погíбл бых во смирénии моём.

**Т**я всех Наслаждéние Мáти зрящи, питиём напáяема гóрьким, слезáми лицé омаkáет гóрце.

**В**о век не забúду оправдáний Твои́х, я́ко в них оживи́л мя еси́.

**У**язвляюся лю́те, и растерза́юся утрóбою, Сло́ве, зрящи непра́ведное Твоé заколéние, глаго́лаше Пречи́стая с пла́чем.

**Т**вой есмь аз, спаси́ мя, я́ко оправдáний Твои́х взыска́х.

**О**ко сладкое, и устне Твой како  
заклучу, Сло́ве? Ка́ко же Ты  
мертволéпно погребу́? Ужаса́юся,  
вопя́ше Ио́сиф.

**М**ене́ жда́ша грéшницы  
погуби́ти мя, свидéния Тво́я  
разумéх.

**П**éсни Ио́сиф и Никодим  
надгробны́я пою́т Христу́  
умёршему ны́не, пою́т же с ними  
и Серафими́.

**В**ся́кия кончи́ны ви́дех конéц,  
широка́ заповедь Тво́я зело́.

**З**аходи́ши под зéмлю, Спа́се,  
Сóлнце пра́вды; тёмже рóждшая  
Тя Луна́ печа́льми оскудева́ет,

**ви́да Твоего́ лиша́ема.**

**К**оль возлюбих закон Твой,  
Господи, весь день поучение моё  
есть.

**У**жасёся ад, Спа́се, зря Тя  
Жизнода́вца, бога́тство она́го  
упражня́юща, и я́же от ве́ка  
ме́ртвыя возста́вляюща.

**П**аче враг мо́их умудри́л мя еси́  
заповедию Твое́ю, я́ко в век мо́я  
есть.

**С**о́лнце свет возсиява́ет по  
но́щи, Сло́ве, и Ты же воскрeс,  
просиява́еши по сме́рти я́сно, я́ко  
от черто́га.

**П**аче всех учащих мя разумeх,

яко свидѣнія Твоя поучѣние мое  
есть.

**З**емля Тя, Создателю, в недра  
приѣмши, трѣпетом содержима,  
Спасе, трясѣтся, успѣвши  
мѣртвыя трясѣнием.

**П**аче старец разумѣх, яко  
зѣповеди Твоя взысках.

**М**іры Тя, Христѣ, Никодѣм и  
Благообразный, ныне новолѣпно  
помазующе, ужаснѣся, вопияху,  
вся земля.

**О**т всякаго путѣ лукава  
возбранѣх ногѣм моѣм, яко да  
сохраню словеса Твоя.

**З**ашѣл еси, Светотворче, и с

**Тобóю зайде свет сóлнца:  
трéпетом же тварь содерж́ится,  
всех Тя проповéдаючи Творца́.**

**От судéб Твои́х не уклон́хся,  
я́ко Ты законополож́ил ми еси́.**

**Ка́мень углаждéнный  
краеуго́льный покрывáет  
ка́мень, человек же смéртный,  
я́ко смéртна Бóга, покрывáет  
ны́не во грóбе: ужасни́ся, землé.**

**Коль сладка́ гортáни Моему́  
слова́ Тво́я, па́че ме́да усто́м  
мои́м.**

**Виждь ученика́, егóже любил  
еси́, и Твою́ Ма́терь, Ча́до, и  
вещáние даждь сладча́йшее,**

**взыва́ше пла́чущи Чы́стая.**

**От** заповедей Твои́х разуме́х,  
сего́ ра́ди возненави́дех всяк Путь  
непра́вды.

**Ты,** Слове, я́ко сый живото́а  
да́тель, иудео́в, на Кресте́  
простры́йся, не умертви́л еси́, но  
воскреси́л еси́ и сих ме́ртвыя.

**Свети́льник** нога́ма мои́ма зако́н  
Твой, и свет стезя́м мои́м.

**Добро́ты,** Слове, прэ́жде не  
име́л еси́, ниже́ ви́да, егда́  
страда́л еси́: но воскреси́  
провозсия́л еси́, удобри́в  
челове́ки Божество́нными  
заря́ми.

**К**ля́хся, и поста́вих, сохра́нити  
судьбы́ пра́вды Твоея́.

**З**ашёл еси́ плóтию в зéмлю  
Невечéрний Светоно́сец, и не  
терпя́ зрети́ со́лнце поме́рче,  
полúдни ещé сущу.

**С**мири́хся до зела́, Го́споди, живи́  
мя по словеси́ Твоему́.

**С**о́лнце вкúпе и луна́  
пoméркше, Спа́се, рабо́м  
благоразу́мным образова́хуся,  
и́же в чéрныя оде́жды облача́тсЯ.

**В**о́льная уст мо́их благоволи́ же  
Го́споди, и судьба́м Твои́м научи́  
мя.

**В**и́де Тя, Бо́га, со́тник, а́ще и

**умертвѣлся еси́, ка́ко Тя́ у́бо,  
Бо́же мой, осяжу́ рука́ма;  
ужаса́юся, вопия́ше Ио́сиф.**

**Душа́ моя́ в руку́ Твоею́ вѣну, и  
зако́на Твоего́ не забѣх.**

**Усну́ Ада́м, но смерть из ребр  
изво́дит: Ты же ны́не усну́л еси́,  
Сло́ве Бо́жий, источа́еши от ребр  
Твои́х ми́рови жизнь.**

**Положи́ша грѣшницы сеть мне, и  
от за́поведей Твои́х не заблуди́х.**

**Усну́л еси́ ма́ло, и оживѣл еси́  
умѣршья, и воскрѣс, воскрѣсил  
еси́ спя́щья от вѣка, Бла́же.**

**Наслѣдовах свидѣния Твоя́ во  
век, я́ко ра́дование се́рдца моего́**

суть.

**В**зят еси́ от земли́, но источи́л еси́ спасе́ния вино́, живото́чная лозо́: просла́вляю страсть и Крест.

**П**риклони́х се́рдце моё, сотвори́ти оправда́ния Тво́я в век за воздая́ние.

**К**а́ко у́мная чинонача́лия Тя, Спа́се, пою́т, на́га, окрова́влена, осужде́на, терпе́ща де́рзость распина́телей?

**З**аконопресту́пная возненави́дех, зако́н же Твой возлюбíх.

**О**бруче́нный, стрóпотнейший

**роде еврейский, ведал еси  
воздвижение храма, почто  
осудил еси Христа?**

**Помощник мой и Заступник мой  
еси Ты, на словеса Твоя уповах.**

**Во одежду поругания,  
украшителя всех облекаеши, иже  
небо утверди, и землю украси  
чудно.**

**Уклонитесь от Мене  
лукавнующии, и испытаю заповеди  
Бога моего.**

**Якоже неясить уязвлен в  
ребра Твоя, Слове, отроки Твоя  
умершья оживил еси, искапав  
животныя им токи.**

**З**аступи́ мя по словеси́ Твоему́, и жив б́уду, и не посрами́ мене́ от ча́яния моего́.

**С**о́лнце прѣжде уста́ви Иисус, иноплеме́нники секи́й: Ты же скры́лся еси́, низлага́я тьмы нача́льника.

**П**омози́ ми, и спасу́ся, и поучу́ся во оправда́ниих Твои́х вѣну.

**Н**едр отѣческих неисхо́ден пребы́в, Ще́дре, и челове́к бѣти благоволи́л еси́, и во ад снизше́л еси́, Христѣ́.

**У**ничижи́л еси́ вся отступа́ющыя от оправда́ний Твои́х, я́ко непра́ведно помышле́ние их.

**В**зятся распныйся, Иже на водах зѣмлю повѣшей, и яко бездыханен в ней ныне возлегаёт: яже не терпящи трясаешься люте.

**П**реступающыя непщевах вся грѣшныя земли, сего ради возлюбих свидѣния Твоя.

**У**вы Мне, о Сыне! Неискусомужная рыдаше глаголющи: Егѡже бо яко царя надеяхся, осуждена зрю ныне на Крестѣ.

**П**ригвозди страху Твоему плоти моя, от судьб бо Твоих убояхся.

**С**ия Гавриѣл мне возвести,

**егдѧ слетѧ, ѡже Цѧрство вѧчное  
речѧ, Сѡна Моегѧ Иисуса.**

**С**отворих суд и правду, не  
предѧждь менѧ обѡдящым мя.

**У**вы, Симеѡново совершился  
прорѡчество: Твой бо меч прѡйде  
сѧрдце Моѧ, Еммануиле.

**В**осприимѡ рабѧ Твоегѧ во  
блѧго, да не оклеветѧют менѧ  
гѡрдии.

**П**онѧ сущих от мѧртвых  
постыдѡтсѧ, о иудѧе! Ёхже  
Животѡдѧвец возстѧви, Егѡже вы  
убѡисте завѡстно.

**О**чи мои исчезѡсте во спасѧние  
Твоеѧ, и в слѡво правды Твоеѧ.

**Ужасёся** **вѣдешее**  
**Невѣдимый Свѣте, Тебѣ, Христѣ**  
**мой, во гробѣ сокрываема,**  
**бездыханна же, и помрачѣ**  
**солнце свет.**

**Сотвори** с рабѣм Твоѣм по  
мѣлости Твоѣй, и оправданѣем  
Твоѣм научѣ мя.

**Плакаше** **горько**  
**Пренепорѣчная Мати Твоѣ,**  
**Слѣве, егда во гробѣ вѣде Тебѣ**  
**неизреченнаго и безначальнаго**  
**Бѣга.**

**Раб Твой есмь аз, вразумѣ мя, и**  
**увѣем свидѣния Твоѣ.**

**Мѣртьвость Твою, нетлѣнная,**

**Христэ, Мати Твоја зрящи, горько  
к Тебэ вещаше: не косни,  
Животэ, в мёртвых.**

**Врэмя сотвори́ти Го́сподеви,  
разори́ша зако́н Твой.**

**Ад лю́тый потрепетá, егда́ Тя  
ви́де со́лнце сла́вы, Безсме́ртне,  
и издава́ше ю́зники тща́тельно.**

**Сего́ ра́ди возлюбíх за́поведи  
Твоја́, па́че зláта и топа́зия.**

**Вéлие и ужа́сное видéние  
ны́не зрítся, живота́ сый  
вино́вный, смерть подъя́т,  
оживи́ти хотя́ всех.**

**Сего́ ра́ди ко всем за́поведем  
Твои́м направля́хся, всяк путь**

непράвды возненавѣдех.

**Прободáешися** в рѣбра, и  
пригвождáешися, Влады́ко,  
рука́ми, я́зву от ребра́ Ты  
исцеля́я, и невоздержáние рук  
праоте́ц.

Дѣвна свидѣ́ния Тво́я, сегó ра́ди  
испытá я душá мо́я.

**Пре́жде** Рахи́лина сы́на  
пла́каше всяк ѿже в до́му, и Сы́на  
Дѣвыя рыда́ху учени́к лик с  
Ма́терию.

Явлѣ́ние словѣс Тво́их  
просвещáет и вразумля́ет  
младѣ́нцы.

**Ударѣ́ние** рук да́ша Христо́вой

ланіте, руко́ю челове́ка  
созда́вшего, и че́люсти зве́ря  
сокруши́вшего.

**У**ста́ моя́ отверзо́х, и привлеко́х  
дух, я́ко за́поведей Твои́х желях.

**П**е́снями Тво́е, Христé, ны́не  
распя́тие и погребéние, вси  
ве́рнии прáзднуем, избáвльшеся  
смéрти погребéнием Твои́м.

**С**ла́ва Отцу́, и Сы́ну, и Свято́му  
Ду́ху.

**Б**езнача́льне Бо́же,  
Соприсносу́щне Сло́ве, и Ду́ше  
Святы́й, укрепí на рáтныя, я́ко  
благ.

**И** ны́не и прíсно, и во ве́ки

векóв. **А**мíнь.

**Ж**изнь рóждшая,  
Пренепорóчная Чíстая Дéво,  
утолí церкóвныя соблáзны, и  
пода́ждь мир я́ко Благáя.

**И** па́ки:

**Д**остóйно есть величáти Тя  
Жизнодáвца, на Крестé рúце  
простéршаго, и сокру́шшаго  
держáву вра́жию.

Гóсподи, помíлуй. **Т**рижды.

**С**лáва, и нýне:

**С**татíя трéтия

**Г**лас 3

**Р**óди вси песнь погребéнию

**Твоему́ прино́сят, Христе́ мой.**

**При́зри на мя и поми́луй мя, по суду лю́бящих И́мя Твое́.**

**Снем с дрéва и́же от Аримафе́а, плащани́цею обв́ив во грóбе Тя погребáет.**

**Стопы́ моя́ напра́ви по словеси́ Твоему́, и да не облада́ет мно́ю всякое беззакóние.**

**Миронóсицы приидóша мíра Тебé, Христе́ мой, нося́щия премúдро.**

**Избáви мя от клеветы́ челове́ческаго, и сохрани́ю за́поведи Твоя́.**

**Гряди́, вся тварь, пѣсни  
исходныя принесѣм Зиждителю.**

**Лице́ Твое́ просвети́ на раба́  
Твоего́, и научи́ мя оправданием  
Твои́м.**

**Яко́ мѣртва Жива́го, с  
миронóсицами вси  
миропомáжем мýдренно.**

**Исходи́ща водна́я изведóсте óчи  
мои́, понéже не сохрани́х закóна  
Твоего́.**

**Иóсифе треблажѣнне, погребѣ́  
тѣло Христá Жизнода́вца.**

**Праведен еси́, Гóсподи, и прави́  
судѣ́ Твои́.**

**И**хже воспита́ мánною,  
воздвигóша пятú на Благодéтеля.

**З**аповéдал есй́ прáвду, свидéния  
Тво́я, и й́стину зело.

**И**хже воспита́ мánною,  
принóсят Спасу́ желчь кúпно и  
óцет.

**И**стáяла мя естъ рéвность Тво́я,  
яко забы́ша словеса́ Тво́я врази́  
мо́й.

**О** пребезúмия и  
христоубй́ства пророкоубй́ц!

**Р**азжжéно слóво Твоé зело́, и раб  
Тво́й возлюбй́ е.

**Я**коже безúмный служй́тель,

**предаде́            учени́к            Бэздну**  
**Премудрости.**

**Ю**не́йший аз есмь и уничиже́н,  
оправда́ний Твои́х не забых.

**И**зба́вителя оста́вив, плéнник  
оста́вился льсти́вый Иу́да.

**П**ра́вда Тво́я пра́вда во век, и  
зако́н Твой и́стина.

**П**о Соломо́ну ров глубо́кий,  
уста́ еврей беззаконных.

**С**ко́рби и ну́жди обретóша мя,  
заповеди Тво́я поучéние моé.

**В** стрóпотных шéствиих  
евре́ов беззаконных, волчцы́ и  
сéти.

**П**ра́вда свидѣнія Тво́я в век,  
вразуми́ мя, и жив б́уду.

**И**о́сиф погребáет с Никодíмом,  
мертволе́пно Зиждíтеля.

**В**оззва́х всем се́рдцем мо́им,  
услы́ши мя, Го́споди, оправда́ния  
Тво́я взыщу́.

**Ж**изнода́вче, Спа́се, сла́ва  
держáве Тво́ей, ад разо́ршей.

**В**оззва́х Ти, спаси́ мя, и сохраню́  
свидѣ́нія Тво́я.

**Л**ежа́ща Тя, Пре́чистая,  
вѣдя́щи, Сло́ве, матероле́пно  
пла́каше.

**П**редварíх в безго́дии, и воззва́х,

на словеса́ Тво́я упова́х.

**О** сладча́йшая Мо́я Весно́,  
сладча́йшее Моё Чадо, где Тво́я  
за́йде добро́та?

Предварі́сте о́чи мо́и ко утру,  
поучі́тися словесѣм Тво́им.

**Плач** сподвиза́ше Всечы́стая  
Тво́я Ма́ти, Тебе́, Сло́ве, уме́ршу.

Глас мой услы́ши, Го́споди, по  
ми́лости Тво́ей, по судьбе́ Тво́ей  
живи́ мя.

**Жены** с ми́ры приидо́ша  
помазати Христа́, Божественнаго  
ми́ра.

Прибли́жишася гоня́щии мя

беззакóнием, от закóна же Твоегó  
удалѣшася.

**Смерть** смѣртию **Ты**  
умерщвлѣеши, **Бóже** мой,  
**Божѣственною сѣлоу Твоѣю.**

**Б**лиз есѣ Ты, Гóсподи, и вси  
путиѣ Твоѣ ѣстина.

**Прельстѣся** прелѣстник,  
прельстѣвыйся **избавлѣется**  
премúдростию Твоѣю, **Бóже** мой.

**И** спѣрва познѣх от свидѣний  
Твоѣх, ѣко в век основѣл ѣ есѣ.

**Во** дно áдово низведѣн бысть  
предѣтель, в кладенец истлѣния.

**В**иждь смирѣние моѣ, и измѣ мя,

яко зако́на Твоего́ не забых.

**Волчцы́ и сѣти** пути́е  
треока́яннаго безу́мнаго Иуды.

**Суді́** суд мой, и избáви мя,  
словесé рáди Твоего́ живі́ мя.

**Вси** спогибáют распинáтелие  
Тво́й, Сло́ве, Сы́не Бóжий  
Всецарю́.

**Далече́** от грѣшник спасѣние,  
яко оправдáний Тво́их не  
взыскаша.

**В** кладене́ц истлѣ́ния **вси**  
спогибáют мѹжие кровей.

**Щедрѹты** Тво́я мно́ги, Го́споди,  
по судьбѣ Тво́ей живі́ мя.

**С**ыне Бóжий Всецарю, Бóже мой, Создáтелю мой, кáко страсть подъял еси?

**М**нози изгонящи мя и стужáющие ми, от свидéний Твои́х не уклони́хся.

**Ю**ница тельца́ на дрéве повéшена взывáше зрящи.

**В**идех неразумевáющыя и истáях, я́ко словéс Твои́х не сохрани́ша.

**Т**éло живонóсное Иóсиф погребáет с Никодíмом.

**В**иждь, я́ко заповеди Твоя́ возлюбíх, Гóсподи, по мíлости Твоéй живи́ мя.

**Взыва́ше** **Отрокови́ца** **те́пле**  
**слёзы** **точа́щи,** **утро́бою**  
**пробода́ема.**

**Нача́ло** **словес** **Твои́х** **и́стина,** **и**  
**во** **век** **вся** **судьбы** **пра́вды** **Твоея́.**

**Свете** **о́чию** **Моёю,** **сладча́йшее**  
**Моё** **Ча́до,** **ка́ко** **во** **гробе** **ны́не**  
**покрыва́ешия?**

**Кня́зи** **погна́ша** **мя** **ту́не,** **и** **от**  
**словес** **Твои́х** **убо́яся** **се́рдце** **моё.**

**Ада́ма** **и** **Е́ву** **свободи́ти,** **Ма́ти**  
**не** **рыда́й,** **си́я** **стражду.**

**Возра́дуюся** **аз** **о** **словесех** **Твои́х,**  
**я́ко** **обретáяй** **коры́сть** **мно́гу.**

**Просла́вляю** **Твоё,** **Сы́не** **Мой,**

**крайнее благоутробию, егже  
ради сия страждеша.**

**Неправду возненавидех и  
омерзих, закон же Твой возлюбих.**

**Оцтом напоен был еси и  
желчию, Щедре, древнее  
разрешая вкушение.**

**Седмерицею днем хвалих Тя, о  
судьбах правды Твоея.**

**На Кресте пригвоздился еси,  
древле люди Твой столпом  
облачным покрываяй.**

**Мир мног любящим закон Твой,  
и несть им соблазна.**

**Мирносицы, Спасе, ко гробу**

**прише́дшыя, міра принесо́ша  
Тебе́.**

**Ча́ях спасе́ния Твоего́, Го́споди,  
и за́поведи Твой возлюбíх.**

**Воста́ни, Ще́дре, от про́пастей  
а́дских возста́вля́й нас.**

**Сохра́ни душа́ мой свиде́ния  
Тво́я, и возлюбí я́ зело́.**

**Воскресни́, Жизнода́вче,  
ро́ждшая Тя Ма́ти, слéзы точа́щи,  
глаго́лет.**

**Сохра́ни́х за́поведи Тво́я и  
свиде́ния Тво́я, я́ко вси путе́ мой  
пред Тобо́ю, Го́споди.**

**Потщи́ся воскресе́нути, печа́ль**

**разрешая, Сло́ве, чѣсто рѣдшия  
Тя.**

**Да** прибли́жится мо́ление моё  
пред Тя, Го́споди, по словеси́  
Твоему́ вразуми́ мя.

**Небе́сныя си́лы ужасо́шася  
стра́хом, ме́ртва Тя зряще.**

**Да** вни́дет проше́ние моё пред  
Тя, Го́споди, по словеси́ Твоему́  
изба́ви мя.

**Любо́вию же и стра́хом стра́сти  
Тво́я почита́ющим, даждь  
прегреше́ний разреше́ние.**

**Отры́гнут устне́ мой пе́ние, егда́  
научи́ши мя оправда́нием Твои́м.**

**О** ужаснаго и страннаго видѣнія, Божий Слове! Како земля Тя спокрывает?

Просвещает язык мой словеса Твоя, яко вся заповеди Твоя правда.

**Н**осяй Тя древле, Спасе, Иосиф бѣгает, и ныне Тя иный погребает.

Да будет рука Твоя еже спасти мя, яко заповеди Твоя изволих.

**П**лчет и рыдает Тя Пречистая Мати Твоя, Спасе мой, умерщвленнаго.

**В**озжелалъ спасение Твое, Господи, и закон Твой поучение

моё есть.

**Ужасаются умы страннаго и ужаснаго, Тебѣ всех Создателя, погребѣния.**

**Живá** бѹдет душá моя, и восхвалит Тя, и судьбы Твоя помогут мне.

**Излияша на гроб мирно́сицы мѣра, зело́ рано прише́дшыя.**

**Заблудѣх** яко овчá погѣбшее, взыщѣ раба́ Твоего́, яко заповедей Твоѣх не забых.

**Мир** Цѣркви, людем Твоѣм спасѣние да́руй востáнием Твоѣм.

**С**ла́ва Отцу́, и Сы́ну, и Свято́му  
Ду́ху.

**О**, Трѳице Бѳже мой, О́тче,  
Сы́не и Ду́ше, поми́луй мир.

**И** ны́не, и прѳсно, и во ве́ки  
векѳв. **А**ми́нь.

**В**ѳдети Твоего́ Сы́на  
воскресе́ние, Де́во, сподо́би Твоя́  
рабы.

**И а́бие:**

**ТРОПАРИ́ ВОСКРЕ́СНЫ ПО  
НЕПОРѳЧНАХ, ГЛАС 5:**

**Б**лагословѳн еси́, Го́споди, научи́  
мя оправда́нием Твоѳм.

**А́**нгельский собо́р удиви́ся, / зря́

Тебѣ в мѣртвых вменѣвшася, /  
смѣртную же, Спасе, крѣпость  
разорѣвша, / и с Собою Адама  
воздвѣгша, / и от ада вся  
свободѣдша.

**Б**лагословѣн еси, Господи, научи  
меня оправданіем Твоим.

**П**очто міра с мѣлостивными  
слезами, / о ученицы, растворяете?  
/ Блестаяйся во гробѣ Ангел  
мироносицам вещае: / видите вы  
гроб и уразумейте, / Спас бо  
воскресе от гроба.

**Б**лагословѣн еси, Господи, научи  
меня оправданіем Твоим.

**З**ело рано мироносицы течаху /

ко грóбу Твоему рыда́ющия, / но  
предста́ к ним А́нгел и рече́: /  
рыда́ния вре́мя престá, не пла́чите,  
/ воскресéние же апóстолом рцýте.

**Б**лагословéн еси́, Гóсподи, научи́  
меня оправда́нием Твои́м.

**М**иронóсицы жены́ с мiры  
пришédшия / ко грóбу Твоему́,  
Спáсе, рыда́ху, / А́нгел же к ним  
рече́, глагóля: / что с мёртвыми  
живáго помышля́ете? / Яко Бог бо,  
воскрéсе от грóба.

**С**лáва: **П**оклони́мся Отцý / и Егó  
Сы́нови, и Святóму Дýху, / Святéй  
Трóице во еди́ном существé, / с  
Серафíмы зову́ще: / Свят, Свят,

Свят есі, Гóсподи.

**И** ныне: **Ж**изнода́вца рóждши, /  
грехá, Дéво, Ада́ма избáвила есі, /  
ра́дость же Ё́ве / в печáли мéсто  
пода́ла есі, / па́дшия же от жíзни /  
к сей напра́ви / из Тебе́  
воплотíвыйся Бог и Человéк.

**А**ллилу́ия, аллилу́ия, аллилу́ия,  
сла́ва Тебе́, Бóже. **Трижды.**

Гóсподи, помíлуй. **Трижды.**

**С**ла́ва, и ныне:

**Седален:**

**П**лащани́цею чíстою и  
арома́ты Божéственными Тéло  
Честно́е, испросíв у Пилáта,

миропомазует и полагаёт Иосиф в новом гробе. Тёмже уранша мироносицы жены, возопиша: покажи нам, якоже предрекл еси, Христе, воскресение.

Слава, и ныне:

Ужасошася лица Ангельстии зряще Седящаго в недрах Отчих, како во гроб полагается яко мертв, Безсмертный, Егоже чини Ангельстии окружают, и славят с мертвыми во аде, яко Зиждителя и Господа.

Псалом 50

Помилуй мя, Боже, по велицей милости Твоей, и по множеству

щедрот Твоих очисти беззаконие  
мое. Наипаче омый мя от  
беззакония моего, и от греха моего  
очисти мя; яко беззаконие мое аз  
знаю, и грех мой предо мною есть  
вина. Тебе единому согреших, и  
лукавое пред Тобою сотворих; яко  
да оправдишия во словесах Твоих,  
и победиши, внегда судити Ти. Се  
бо в беззакониих зачат есмь, и во  
гресех роди мя мати моя. Се бо  
истину возлюбил еси, безвестная и  
тайная премудрости Твоея явил ми  
еси. Окропиши мя иссопом, и  
очищуся; омыеши мя, и паче снега  
убелюся. Слуху моему даши радость  
и веселие; возрадуются кости

смирѣнныя. Отврати́ лицѣ Твое́е от  
грех мо́их, и вся беззакѣ́нныя мо́я  
очи́сти. Сѣрдце чѣ́сто сози́жди во  
мне, Бо́же, и дух прав обнови́ во  
утрѣ́бе моѣ́й. Не отвержи мене́ от  
лицá Твоегѡ́, и Ду́ха Твоегѡ́ Свята́го  
не отыми́ от мене́. Возда́ждь ми  
ра́дость спасѣ́ния Твоегѡ́, и Ду́хом  
Влады́чним утверди́ мя. Научу́  
беззакѣ́нныя путе́м Твои́м, и  
нечестѣ́вныи к Тебе́ обратѣ́тся.  
Изба́ви мя от крове́й, Бо́же, Бо́же  
спасѣ́ния моего́; возра́дуется язы́к  
мой пра́вде Твое́й. Го́споди, устне́  
мой отве́рзеши, и уста́ мо́я  
возвестѣ́ют хвалу́ Твою́. Я́ко а́ще бы  
восхотѣ́л еси́ же́ртвы, дал бых у́бо:

всесожжѣния не благоволиши.  
Жѣртва Бѳгу дух сокрушен; сердце  
сокрушено и смиренно Бог не  
уничжит. Ублажи, Господи,  
благоволением Твоим Сиона, и да  
созидутся стѣны Иерусалимския.  
Тогда благоволиши жѣртву правды,  
возношение и всесожегаемая;  
тогда возложат на олтарь Твой  
тельцы.

## КАНОН, ГЛАС 6

От пѣрвыя пѣсни до шестыя  
творѣние Мѣрка монаха, епископа  
Идрунтского,  
ирмосы же творѣние жены некия,  
Кассии именуемая.

От шесты́я же пѣсни до конца́  
творѣние  
господина́ Космы́

**Песнь 1**

**Ирмос:** Волно́ю морско́ю  
Скрывшаго дре́вле гонителя́  
мучителя́, под землёю скры́ша  
спасѣнных ѳтроцы: но мы́ яко  
отрокови́цы Гѳсподеви по́йм,  
сла́вно бо просла́вися.

**Припѣв:** Сла́ва Тебѣ́, Бо́же наш,  
сла́ва Тебѣ́.

**Гѳсподи Бо́же мой, исходное  
пѣние, и надгробную́ Тебѣ́ песнь  
воспою́, погребѣнием Твои́м  
жизни моея́ вхо́ды отвѣрзшему,**

**и смёртию смерть и ад  
умертвѣвшему.**

**С**ла́ва Тебе́, Бо́же наш, сла́ва  
Тебе́.

**Г**орé Тя на престóле, и до́ле во  
гробе́, премѣрная и подзѣмная  
помышля́ющая, Спа́се мой,  
зѣбляхуся умерщвлéнием  
Твоѣм: па́че ума́ бо, ви́ден был  
еси́ мертв. Живоначáльниче.

**С**ла́ва Отцú, и Сýну, и Свято́му  
Дúху, и ны́не и прѣсно, и во вѣки  
векóв. **А**ми́нь.

**Д**а Твоея́ сла́вы вся  
испóлниши, сшел еси́ в ни́жняя  
земли́: от Тебе́ бо не скры́ся

**соста́в мой ѿже во Ада́ме, и  
погребѣн истлѣвша мя  
обновляеши, Человеколю́бче.**

**Катава́сия:** Волно́ю морско́ю  
Скрывшаго дре́вле гони́теля  
мучи́теля, под землёю скры́ша  
спасѣнных о́троцы: но мы я́ко  
отрокови́цы Го́сподеви по́йм,  
сла́вно бо просла́вися.

### **Песнь 3**

**Ирмо́с:** Тебе́, на водах  
Повѣсившаго всю зѣмлю  
неодержи́мо, тварь ви́девши на  
Лобнем ви́сима, у́жасом мно́гим  
содрога́шеся, несть Свят, ра́зве  
Тебе́, Го́споди, взыва́ющи.

**С**ла́ва Тебе́, Бо́же наш, сла́ва Тебе́.

**О**бразы погребёния Твоего́ показáл еси́, видёния умно́жив: ны́не же сокровённая Твоя́ Богому́жно уясни́л еси́, и су́щым во аде Влады́ко, несть Свят, разве Тебе́, Го́споди, **взыва́ющим.**

**С**ла́ва Тебе́, Бо́же наш, сла́ва Тебе́.

**П**ростёрл еси́ длáни, и соедини́л еси́ дрéвле разстоя́щая: одея́нием же, Спа́се, е́же в плащани́це и во грóбе, окованныя разреши́л еси́,

**несть Свят, разве Тебѣ, Гóсподи,  
взыва́ющыя.**

**С**ла́ва Отцу́, и Сѣ́ну, и Свято́му  
Ду́ху, и ны́не и прѣ́сно, и во ве́ки  
векóв. **А**ми́нь.

**Г**рóбом и печáтьми,  
Невместѣ́ме, содержи́мь был еси́  
хотѣ́нием: и́бо си́лу Твою́  
дѣ́йствы показа́л еси́,  
богодѣ́йственно пою́щим: несть  
Свят, рáзве Тебѣ́, Гóсподи  
Человеколю́бче.

**Катава́сия:** Тебѣ́, на водах  
Повѣ́сившаго всю зѣ́млю  
неодержѣ́мо, тварь ви́девши на  
Лóбнем вѣ́сима, у́жасом мно́гим

содрога́шеся, несть Свят, ра́зве  
Тебе́, Го́споди, вызы́ающи.

Го́споди, помíлуй. **Трижды.**

Сла́ва, и ны́не:

**Седален, глас 1:**

**Гроб Твой, Спа́се, во́ини  
стрегу́щи, ме́ртви от  
облиста́ния явльша́гося А́нгела  
бы́ша, пропове́дающа жена́м  
воскресе́ние. Тебе́ сла́вим тли  
Потребíтеля, Тебе́ припа́даем  
воскресе́шему из грóба, и  
Еди́ному Бо́гу на́шему.**

**Песнь 4**

**Ирмо́с: На Кресте́ Твоё**

Божественное истощание провидя  
Аввакум, ужасся вопияше: Ты  
сильных пресекл еси державу,  
Блаже, приобщался сущым во аде,  
яко Всесилен.

**С**лава Тебе, Боже наш, слава  
Тебе.

**С**едмый день **днесь** освятил  
еси, егже древле благословил  
еси упокоением дел: преводиши  
бо всяческая и обновляеши,  
субботствуя, Спасе мой, и  
назидая.

**С**лава Тебе, Боже наш, слава  
Тебе.

**С**илою лучшего, победившаго

**Тебѣ, от плóти душá Твоя  
разделися: растерзáющи бо обоя  
узы, смёрти и áда, Сло́ве,  
держáвою Твоёю.**

**С**ла́ва Отцú, и Сýну, и Свято́му  
Дúху, и ны́не и прýсно, и во вéки  
векóв. **А**мíнь.

**А**д, Сло́ве, срет Тя огорчýся,  
Человéка зря обожёна, уязвлена  
ра́нами, и Всесýльнодéтеля,  
Стра́шным же зра́ком погýбе.

**Катав́асия:** На Крестé Твоё  
Божéственное истощание пров́дя  
Авваку́м, ужáсса вопи́яше: Ты  
сýльных пресéкл еси́ держáву,  
Бла́же, приобщáлся сýщым во áде,

яко Всесѣлен..

## Песнь 5

**Ирмос:** Богоявlenia Твоего, Христѣ, к нам мѣлостивно бѣвшаго, Исaиа Свет вѣдев Невечерний, из нoщи утреневав взываше: воскреснут мѣртвии, и востанут сущии во гробѣх, и вси земнорoднии возрадуются.

Слaва Тебѣ, Бoже наш, слaва Тебѣ.

**Новотвориши** земныя  
Создaтелю, пѣрстен быв, и  
плащаница и гроб являють ѣже в  
Тебѣ, Слoве, таинство:  
благообразный бо совѣтник,

**Тебѣ, рóждшаго совѣт, образует,  
в Тебѣ велелѣпно новотвóрящаго  
МЯ.**

**С**лáва Тебѣ, Бóже наш, слáва  
Тебѣ.

**С**мѣртию смѣртное,  
погребѣнием тлѣнное  
прелагáеши, нетлѣнно творíши  
бо, благолѣпно безсмѣртно творя  
приятие: плоть бо Твоя истлѣния  
не вíде, Владыко, ниже душá  
Твоя во аде стрáннолѣпно  
оставлѣна бысть.

**С**лáва Отцú, и Сýну, и Святóму  
Дúху, и нýне и прýсно, и во вѣки  
векóв. **А**мíнь.

**Из** Небράчныя прошэд, и прободэн в рэбра, Содэтелю мой, из Нея соделал есі обновлєние Ёвино, Адам быв, уснўв паче естества сном естєственным, и жизнь воздвїгнув от сна и тлєния яко Всесїлен.

**Катавасия:** Богоявлєния Твоегѡ, Христє, к нам мїлостивно бївшаго, Исїаи Свет вїдев Невечєрний, из нѡщи ўтрєневав взываше: воскреснут мєртвии, и востанут сўщии во гробєх, и вси земнорѡднии возрадуются.

## **Песнь 6**

**Ирмос:** Ят бысть, но не удержан

в пёрсех китóвых Ио́на: Твой бо  
о́браз нося, страда́вшаго, и  
погребéнию да́вшагося, я́ко от  
черто́га от зве́ря изыде,  
приглаша́ше же кустоди́и:  
храня́щим сýетная и лóжная,  
ми́лость сию́ оста́вили естé.

**С**ла́ва Тебе́, Бо́же наш, сла́ва  
Тебе́.

**Б**и́ен был еси́, но не  
раздели́лся, еси́, Сло́ве, ея́же  
причастíлся еси́ плóти: а́ще бо и  
разори́ся Твой храм во вре́мя  
стра́сти, но и та́ко еди́н бе состав  
Бо́жества и плóти Твоея́. Во  
обо́их бо еди́н еси́ Сын, Сло́во  
Бо́жие, Бог и Челове́к.

**С**ла́ва Тебе́, Бо́же наш, сла́ва Тебе́.

**Ч**еловекоуби́йственно, но не богоуби́йственно бысть прегреше́ние Ада́мово: а́ще бо и пострада́ Твоея́ плóти пёрстное существо́, но Бо́жество безстра́стно пребысть: тлённое же Твоё на нетлёние преложил еси́, и нетлённая жízни показáл еси́ Исто́чник воскресением.

**С**ла́ва Отцу́, и Сы́ну, и Свято́му Ду́ху, и ны́не и прísно, и во вéки векóв. **А**ми́нь.

**Ц**áрствует ад, но не вéчнует, над рóдом челове́ческим: Ты бо

поло́жся во грóбе держа́вне.  
Живонача́льною дла́нию, сме́рти  
ключи́ развѣргл еси́, и  
проповѣдал еси́ от вѣка та́мо  
спя́щим изба́вление нелóжное,  
быв Спа́се ме́ртвым Пѣрвенец.

**Катавасія:** Ят бысть, но не  
удержан в пѣрсех китóвых Ио́на:  
Твой бо о́браз нося, страда́вшаго, и  
погребѣ́нию да́вшагося, я́ко от  
черто́га от зве́ря изыде,  
приглаша́ше же кустодіи:  
храня́щим сýетная и лóжная,  
мíлость сию́ оста́вили естѣ.

Гóсподи, помíлуй. **Трѣжды.**

**Сла́ва, и ны́не:**

## Конда́к, глас 6:

**Б**éздну заключи́вый, мертв  
зри́тся, и сми́рною и  
плащани́цею обви́вся, во грóбе  
полагáется я́ко смёртны́й  
Безсмёртны́й: жéны же  
приидóша помáзати Егó ми́ром,  
пла́чущыя го́рько и вопи́ющыя:  
сий суббо́та есть  
преблагословéнная, в нéйже  
Христóс усну́в воскрéснет  
тридне́вен.

## Ўкос:

**С**одержáй вся на Крестé  
вознесéся, и рыда́ет вся тварь,  
Того ви́дящи на́га ви́сяща на

дрéве, сóлнце лучы́ сокры́, и  
звёзды отложíша свет, земля́ же  
со мнóгим стра́хом поколебáся, и  
мóре побежé, и камéние  
распадéся, грóбы же мнóзи  
отверзóшася, и телесá востáша  
святых́ мужéй. Ад нíзу стенéт, и  
иудéе совéту́ют оклеветáти  
Христóво Воскресéние, жены́ же  
взывáют: Сия́ суббóта есть  
преблагословéнная, в нéйже  
Христóс уснóв воскреснет  
триднёвен.

## **Песнь 7**

**Ирмóс:** Неизречéнное чудо, в  
пещи́ Избáвивый преподóбныя  
óтроки из пла́мене, во грóбе мертв

бездыхáнен полага́ется, во  
спасéние нас пою́щих: Избáвителью  
Бóже, благословéн еси́.

**С**ла́ва Тебе́, Бóже наш, сла́ва  
Тебе́.

**У**язви́ся ад, в се́рдце приéм  
Уязвénнаго копиéм в рéбра, и  
воздыхáет огнём Божéственным  
иждивáемь, во спасéние нас  
пою́щих: Избáвителью Бóже,  
благословéн еси́.

**С**ла́ва Тебе́, Бóже наш, сла́ва  
Тебе́.

**Б**огáт гроб, в себе́ бо приím я́ко  
спя́ща Соде́теля, ж́изни  
Божéственное сокрóвище

**показа́ся, во спасе́ние нас  
пою́щих: Изба́вителю Бо́же,  
благослове́н еси́.**

**Сла́ва Тебе́, Бо́же наш, сла́ва  
Тебе́.**

**Зако́ном умерших еже во  
гробе положéние, всех приéмлет  
жизнь, и сегó исто́чника  
показу́ет воста́ния, во спасе́ние  
нас пою́щих: Изба́вителю Бо́же,  
благослове́н еси́.**

**Сла́ва Отцу́, и Сы́ну, и Свято́му  
Ду́ху, и ны́не и прѣсно, и во ве́ки  
векóв. Ами́нь.**

**Еди́но бы́ше неразлу́чное, е́же  
во аде, и во гробе, и во Еде́ме,**

**Божество Христово, со Отцем и Духом, во спасение нас поющих: Избавителю Боже, благословен еси.**

**Катавасия:** Неизреченное чудо, в пещи Избавивый преподобныя отроки из пламене, во гробе мертв бездыханен полагается, во спасение нас поющих: Избавителю Боже, благословен еси.

## **Песнь 8**

**Ирмос:** Ужаснися бойся небо, и да подвижатся основания земли: се бо в мертвецех вменяется в Вышних живый, и во гроб мал странноприимлется. Егоже отроцы

благословíte, свящённицы  
воспóйте, лю́дие превозносите во  
вся вéки.

**С**ла́ва Тебе́, Бо́же наш, сла́ва  
Тебе́.

**Р**азруши́ся Пречи́стый Храм,  
па́дшую же совозставляет  
скíнию: Ада́му бо пёрвому  
Вторый, Ёже в Вы́шних живый,  
снiде да́же до а́довых сокро́вищ.  
Его́же о́троцы благословíte,  
свящённицы воспóйте, лю́дие  
превозносите во вся вéки.

**С**ла́ва Тебе́, Бо́же наш, сла́ва  
Тебе́.

**П**реста дёрзость ученико́в,

**Аримафѣй же изрядствует  
Иосиф: мѣртва бо и нага зря над  
всеми Бѣга, просит и погребает,  
зовый: отроцы благословите,  
священницы воспойте, людие  
превозносите во вся вѣки.**

**Б**лагословим Отца, и Сына, и  
Святаго Духа, Господа, и ныне и  
присно, и во вѣки веков. **А**минь.

**О** чудес новых! О благасти! О  
неизреченнаго терпѣния! Волею  
бо под землѣю печатлѣется, Иже  
в Вышних живый, и яко льстец,  
Бог оклеветается. Егѣже отроцы  
благословите, священницы  
воспойте, людие превозносите во  
вся вѣки.



и просла́влюся, и вознесу́ со  
сла́вою непреста́нно, я́ко Бог,  
ве́рою и любо́вию Тя велича́ющия.

**С**ла́ва Тебе́, Бо́же наш, сла́ва  
Тебе́.

**В** страна́нем Твоём рождестве́,  
боле́зней избежа́вши па́че  
естества, **у**блажи́хся  
Безнача́льне Сы́не: ны́не же Тя,  
Бо́же Мой, бездыха́нна зря́щи  
ме́ртва, ору́жием печа́ли  
растерза́юся лю́те, но воскресни́,  
я́ко да возвели́чуся.

**С**ла́ва Тебе́, Бо́же наш, сла́ва  
Тебе́.

**З**емля́ покрыва́ет Мя хотя́ща,

но устрашаются адовы  
вратницы, одяна видяще  
одеждою окровавленою Мати,  
отмщения: враги бо Крестом  
порази́в яко Бог, воскрѣсну паки,  
и возвеличу Тя.

Слава Отцу, и Сыну, и Святому  
Духу, и ныне и присно, и во веки  
веков. Аминь.

Да радуется тварь, да  
веселятся вси земнороднии, враг  
бо пленися ад: с мiры жены да  
сретают, Адама со Евою  
избавляю всеродна, и в третий  
день воскрѣсну.

Катавасия: Не рыдай Мене,

Ма́ти, зря́щи во грóбе, Егóже во  
чрэ́ве без се́мене зачала́ еси́ Сы́на:  
воста́ну бо и просла́влюся, и  
вознесу́ со сла́вою непреста́нно,  
я́ко Бог, ве́рою и любóвию Тя  
велича́ющия.

Го́споди, помíлуй. Трижды.

Сла́ва, и ны́не:

Свят Го́сподь Бог наш. Свят  
Го́сподь Бог наш. Свят Го́сподь Бог  
наш.

Ексапостила́рий

(из древних славянских Триодей):

Суббо́та свята́я нам, Суббо́та  
вели́кая просветíся, в ню́же  
положи́ся во грóбе Изба́витель

**Бог наш, и триднёвным  
Востанием воскресе от гроба.**

## **ХВАЛИТНЫ**

**В**сякое дыха́ние да хва́лит  
Го́спода. / Хвалите Го́спода с небёс,  
/ хвалите Егó в вь́шних. / Тебё  
подоба́ет песнь Бо́гу. / Хвалите Егó,  
всеи А́нгели Егó, / хвалите Егó, вся  
Си́лы Егó. / Тебё подоба́ет песнь  
Бо́гу.

### **Стихиры на хвалитех, глас 2:**

**На 4:** Хвалите Егó на си́лах Егó, /  
хвалите Егó по мно́жеству  
вели́чества Егó.

**Д**несь соде́ржит гроб

Содержащаго длáнию тварь,  
покрывáет кáмень Покрýвшаго  
добродéтелию Небесá, спит  
Живóт, и ад трепéщет, и Адáм от  
уз разрешáется. Слáва Твоемý  
смотре́нию, íмже соверши́в все  
упокоéние вéчное, даровáл еси́  
нам, Бóже, всесвятóе из мёртвых  
Твоё Воскресéние.

**Х**валíte Егó во глáсе тру́бнем, /  
хвалíte Егó во псалти́ри и гúслех.

**Ч**тó зрímое видéние? Кóе  
настоящее упокоéние? Царь  
векóв, Ёже стра́стию соверши́в  
смотре́ние, во грóбе  
суббóтствует, нóвое нам подáй  
суббóтство, Тому возопи́м:

**воскресні, Бóже, судяй землі,  
яко Ты Цáрствуеши во вéки,  
неизмéрную имéяй вéлиую  
мíлость.**

**Х**валі́те Егó в тимпа́не и лі́це, /  
хвалі́те Егó во стру́нах и оргáне.

**П**рииді́те ві́дим Живóт наш  
во грóбе лежа́щ, да во гробéх  
лежа́щыя **о**живі́т.  
Прииді́те **д**несь і́же из Иу́ды  
спя́ща зря́ще, проро́чески Емú  
возопі́йм: возлéг уснул есі́ яко  
лев, кто **в**оздві́гнет Тя, Царю́? Но  
воста́ни самовла́стно, да́вый Себé  
о нас во́лею, Го́споди, сла́ва Тебé.

**Глас 6:**

**Х**валі́те Егó в кимва́лех  
доброгласных, хвалі́те Егó в  
кимва́лех восклицáния. / Всякое  
дыхáние да хва́лит Гóспода.

**П**росі́ Йо́сиф тѣло Иисúсово, и  
положі́ Ё в нóвем своём грóбе:  
подобáше бо Емú из грóба, я́ко из  
черто́га пройтí. Сокруші́вый  
держáву смёрти, и отвѣрзый  
врата райская́ челове́ком,  
Гóсподи, сла́ва Тебѣ.

**Сла́ва, глас 6:**

**Д**не́шний день та́йно вели́кий  
Моисѣй прообразова́ше, глаго́ля:  
и благослови́ Бог день седмýй:  
сія́ бо есть благословѣ́нная

суббѣта, сей есть упокоѣния  
день, в ѡньже почѣ от всех дел  
Своѣх Единорѣдный Сын Бѣжий,  
смотрѣнием еже на смерть,  
плѣтию суббѣтствовав: и во ѣже  
бе, паки возвраща  
воскресѣнием, дарова нам живѣт  
вѣчный, яко Един Благ и  
Человеколѣбец.

**И ныне, Богорѣдичен, глас 2:**

Преблагословѣна еси,  
Богорѣдице Дѣво, / Воплѣщшим бо  
ся из Тебѣ ад пленѣся, / Адѣм  
воззвася, / клѣтва потребѣся, / Ёва  
свободѣся, / смерть умертвѣся, и  
мы ожѣхом. / Тем воспевающе  
вопиѣм: / благословѣн Христѣс Бог,

/ благоволи́вый та́ко, сла́ва Тебе́.

Сла́ва Тебе́, показавшему нам свет.

## ВЕЛИКОЕ СЛАВОСЛОВИЕ

Сла́ва в вы́шних Бо́гу, и на землі мир, в челове́цех благоволе́ние. Хва́лим Тя, благосло́вим Тя, кла́няем Ти ся, славосло́вим Тя, благодарі́м Тя вели́кия ра́ди сла́вы Твоея́. Го́споди, Царю́ Небе́сный, Боже, О́тче Вседержи́телю, Го́споди Сы́не Единоро́дный, Иису́се Христé, и Святы́й Ду́ше. Го́споди Бо́же, А́гнче Бо́жий, Сы́не Оте́чь, взéмляй грех ми́ра, помíлуй нас. Взéмляй грехи́ ми́ра, приими́

молітву на́шу. Седя́й одесну́ю  
Отца́, помілуй нас. Я́ко Ты еси́  
Еди́н Свят; Ты еси́ Еди́н Госпо́дь,  
Иису́с Христо́с, в сла́ву Бо́га Отца́,  
амінь.

**Н**а всяк день благословлю́ Тя и  
восхваляю́ імя Тво́е во ве́ки, и в век  
ве́ка. Сподо́би, Го́споди, в день сей  
без греха́ сохра́нѣтисѣ нам.  
Благословѣн еси́, Го́споди Бо́же  
оте́ц на́ших, и хва́льно и  
просла́влено імя Тво́е во ве́ки,  
амінь.

**Б**у́ди, Го́споди, мѣло́сть Твоѣ́я на  
нас, я́коже упова́хом на Тя.

**Б**лагословѣн еси́, Го́споди, научи́

мя оправданием Твоим. **Трижды.**

**Г**осподи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой, яко у Тебе источник живота, во свете Твоём узрим свет. Пробави милость Твою ведущим Тя.

**С**вятыи Бже, Святыи Крепкий, Святыи Безсмертный, помилуй нас. Трижды.

**С**лава Отцу и Сыну и Святому Духу, и ныне и присно и во веки веков, аминь.

**С**вяты́й Безсме́ртный, поми́луй нас.

**С**вяты́й Бо́же, Святы́й Кре́пкий, Святы́й Безсме́ртный, поми́луй нас.

**Тропа́рь, глас 2:**

**Б**лагообра́зный Ио́сиф, с дрéва снем Пречы́стое Тéло Твое́, Плащани́цею чы́стою обв́ив, и воня́ми во грóбе но́ве покрыв́ положй́.

**ПАРЕМИЯ, АПОСТОЛ И ЕВАНГЕЛИЕ**

**Тропа́рь проро́чества, глас 2:**

**С**одержай концы́, грóбом содержа́тися изво́лил еси́, Христé, да от áдова поглоще́ния

**избáвиши челове́чество, и  
воскрéс оживи́ши нас, я́ко Бог  
Безсмéртный.**

**Прокíмен, глас 4: Воскресни,  
Гóсподи, помози́ нам и избáви нас  
И́мене ра́ди Твоегó.**

**Стих: Бóже, ушíма на́шими  
услы́шахом, и отцы́ на́ши  
возвестíша нам.**

**Воскресни, Гóсподи, помози́ нам  
и избáви нас И́мене ра́ди Твоегó.**

**Прорóчества Иезеки́лева чтéние.  
[Иез. 37:1-14.]**

**Бысть на мнé рука Госпóдня, и  
изведé мя в дýсе Госпóдни, и  
постáви мя средé пóля, се же**

бѣше по́лно костѣй  
человѣческих. И обведѣ мя  
о́крест их о́коло, и зело́ на ли́цы  
по́ля, и се су́хи зело́. И рече́ ко  
мне: Сѣ́не челове́чь, оживу́т ли  
ко́сти сия́? И реко́х: Го́споди  
Бо́же, Ты ве́си сия́. И рече́ ко мне:  
Сѣ́не челове́чь, прорцы́ на ко́сти  
сия́, и рече́ши им: ко́сти сухія,  
слы́шите сло́во Господне. Се  
глаго́лет Адона́й Госпо́дь костѣм  
сим: се Аз введу́ в вас дух  
живо́тен. И дам на вас жи́лы, и  
веду́ на вас плоть, и простру́ по  
вам ко́жу, и дам дух Мой в вас, и  
оживе́те, и уве́сте, я́ко Аз есмь  
Госпо́дь. И прореко́х, я́коже

заповѣда ми Господь, и бысть  
глас внегда ми пророчествовати,  
и се трус, и совокупляхуся кости;  
кость к кости каждо к составу  
своему. И видех, и се быша им  
жилы и плоть растяше, и  
восхождаше, (и протяжеса) им  
кожа верху, Духа же не быше в  
них. И рече ко мне: прорцы о  
душе, прорцы, сыне человекь, и  
рцы духови: Сия глаголет Адонай  
Господь: от четырех ветров  
прииди, Душе, и вдуни на  
мертвыя сия, и да оживут. И  
прорекох, якоже повеле ми, и  
вниде в ня дух жизни, и ожыша,  
и сташа на ногах своих, собор

мног зело́. И рече́ Госпо́дь ко мне,  
глаго́ля: Сы́не челове́чь, сиа́  
ко́сти весь дом Изра́илев есть:  
тѣи бо глаго́лют, су́хи бы́ша  
ко́сти на́ша, поги́бе наде́жда  
на́ша, уби́ени бы́хом. Того́ ра́ди  
прорцы́ (сы́не челове́чь), и рцы к  
ним: сиа́ глаго́лет Адона́й  
Госпо́дь: се Аз отвѣ́рзу гробы́  
ва́ша, и изведу́ вас от гроб  
ваших, лю́дие Мой, и введу́ вы в  
зе́млю Изра́илеву. И увѣ́сте, яко  
Аз есмь Госпо́дь, внегда́ отвѣ́рсти  
ми гробы́ ва́ша, е́же возвести́ Ми  
вас от гробов́ ва́ших, лю́дие Мой:  
и дам дух Мой в вас, и жи́ви  
бу́дете. И поста́влю вы на земли́

**в́ашей и увéсте, я́ко Аз Госпóдь:  
глагóлах, и сотворю, глагóлет  
Адонай Госпóдь.**

**Русский перевод:** Была на мне рука Господа и Он извел меня Духом Господним, и поставил меня среди поля, а оно было полно костей человеческих. И Он обвел меня кругом около них, и вот их весьма много на поверхности поля, и вот оне весьма сухи. И Он сказал мне: сын человеческий! оживут ли кости сии? и я сказал: Господи, Боже! Ты знаешь это. И сказал мне: сын человеческий! изреки пророчество на кости сии и скажи им: кости сухия! слушайте слово Господне. Так говорит Господь Бог костям сим: вот Я введу в вас дух жизни, и обложу вас жилами, и выращу на вас плоть, и покрою вас кожею, и вду дух Мой в вас, и оживете, и узнаете, что Я — Господь. И

я произнес пророчество, как заповедал мне Господь. И был шум, когда я пророчествовал, и вот движение: то соединялись кости, кость к кости, каждая к составу своему. И я увидел: и вот жилы были на них, и плоть начала расти и подниматься, (и протянулась) кожа поверх их, а духа не было в них. И Он сказал мне: изреки пророчество о духе, изреки пророчество, сын человеческий, и скажи духу: так говорит Господь Бог: от четырех ветров приди дух и дохни на мертвецов сих, и да оживут. И я изрек пророчество, как Он повелел мне, и вошел в них дух жизни, и ожили, и стали на ногах своих: весьма большое собрание. И сказал Господь мне так: сын человеческий! эти кости — весь дом Израилев, ибо они говорят: «изсохли кости наши, погибла надежда наша, мы убиты!» Посему изреки пророчество,

(сын человеческий), и скажи им: так говорит Господь Бог: вот Я открою гробы ваши, и выведу вас, народ Мой, из гробов ваших, и введу вас в землю Израилеву. И узнаете, что Я — Господь, когда Я открою гробы ваши, чтобы вывести вас, народ Мой, из гробов ваших, и вдуну в вас дух Мой, и живы будете. И поселю вас в земле вашей и узнаете, что Я — Господь, сказал и совершу, говорит Господь Бог.

**Прокімен, глас 7:** Воскресні, Гóсподи, Бóже мой, да вознесётсѧ рука Твоѧ, не забúди убóгих Твоіх до концѧ.

**Стих:** Исповѣмся Тебѣ, Гóсподи, всем сѣрдцем моім, повѣм вся чудесѧ Твоѧ.

**В**оскресни́, Го́споди, Бо́же мой,  
да вознесётся рука Твоя́, не забуди  
убо́гих Твои́х до конца́.

**К** Коринфяном послания  
Свята́го апо́стола Павла чтéние.

**Послание к Коринфянам, зачало**  
**137**

**(составное чтение: 1 Кор. 5:6–8;  
Гал. 3:13–14):**

**Б**ра́тие, мал квас все  
смешéние квáсит. Очи́стите у́бо  
вѣтхий квас, да б́удете нóво  
смешéние, я́коже естé безквáсни:  
и́бо Пáсха нáша за ны пожрén  
бысть Христóс. Тёмже да  
празднуем не в квáсе вѣтсе, ни в

**кв́а́се злѡ́бы и лука́вства, но в  
безкв́а́сиих чистотѣ́ и ѳ́стины.  
Христѡ́с ны́ и́скупи́л е́сть от  
кля́твы зако́нныя, быв по нас  
кля́тва. Пи́сано бо е́сть: про́клят  
всяк ви́сяй на дре́ве. Да в язы́цах  
благосло́вение Авраа́мле бу́дет о  
Христѣ́ Иису́се, да обетова́ние  
Ду́ха при́мем ве́рою.**

**Русский перевод:** Братия, малая закваска квасит все тесто. Итак очистите старую закваску, чтобы быть вам новым тестом, так как вы бесквасны, ибо Пасха наша, Христос, заклан за нас. Посему станем праздновать не со старою закваскою, не с закваскою порока и лукавства, но с опресноками чистоты и истины. Христос искупил нас от клятвы закона, сделавшись за нас клятвою (ибо написано: проклят всяк, висящий на древе),

дабы благословение Авраамово через Христа Иисуса распространилось на язычников, чтобы нам получить обещанного Духа верою.

**Аллилу́ия,** аллилу́ия,  
аллилу́ия.

**Стих:** Да воскрéснет Бог, и расточáтся вразí Егó, и да бежáт от лицá Егó ненавídящие Егó.

**Аллилу́ия,** аллилу́ия,  
аллилу́ия.

**Стих:** Я́ко исчеза́ет дым, да исче́знут, я́ко та́ет воск от лицá огнjá.

**Аллилу́ия,** аллилу́ия,  
аллилу́ия.

**Стих:** Та́ко да погíбнут

грѣшницы от лица Божия, а праведницы да возвеселятся.

**Аллилу́ия,** аллилу́ия,  
аллилу́ия.

**От** Матфе́я свята́го Ева́нгелия  
чтѣние.

**Сла́ва Тебе́, Го́споди, сла́ва Тебе́.**

**Евангелие от Матфея, зачало 114:**

**Во** у́трий день, иже есть по  
пятце́, собра́шася архиере́е и  
фарисе́е к Пила́ту, глаго́люще:  
Го́споди, помяну́хом, я́ко льстец  
он рече́ ещѣ сый жив: по три́ех  
днех воста́ну. Повели́ у́бо  
утверди́ти гроб до тре́тияго дне:  
да не ка́ко прише́дше ученицы́

**Его́ но́щию, украду́т Его́ и реку́т  
людем: воста́ от ме́ртвых. И бу́дет  
после́дняя лесть го́рша пе́рвая.  
Рече́ же им Пила́т: има́те  
кусто́дию, иди́те утверди́те,  
якоже ве́сте. Онí же ше́дше  
утверди́ша гроб, знаменáвше  
ка́мень с кустоди́ею.**

**Русский перевод:** На другой день, который следует за пятницею, собрались первосвященники и фарисеи к Пилату и говорили: господин! Мы вспомнили, что обманщик тот, еще будучи в живых, сказал: после трех дней воскресну; итак прикажи охранять гроб до третьего дня, чтобы ученики Его, придя ночью, не украли Его и не сказали народу: воскрес из мертвых; и будет последний обман хуже первого. Пилат сказал им: имеете

стражу; пойдите, охраняйте, как знаете. Они пошли и поставили у гроба стражу, и приложили к камню печать.

Сла́ва Тебе́, Го́споди, сла́ва Тебе́.

## ЗАВЕРШЕНИЕ УТРЕНИ

Го́споди, поми́луй. 40.

Сла́ва, и ны́не:

Го́споди, поми́луй. 12.

Сла́ва, и ны́не:

Утверди́, Бо́же, святу́ю правосла́вную ве́ру правосла́вных христиа́н во ве́к ве́ка.

Честне́йшую Херуви́м / и сла́внейшую без сравне́ния Серафи́м, / без ислéния Бо́га

Слѡва рѡждшую, / сущую  
Богорѡдицу, Тя величаѡем.

Слѡва, и ныне: Гѡсподи,  
помилуй. Трижды. Благословѡи.

### Отпуст

**И**же нас ради человеков и  
нашего ради спасения,  
страшныя страсти и  
Животворящій Крест, и вольное  
погребѣние плѡтию изволивый,  
Христѣ, истинный Бѡже наш,  
молѡтвами Пречѡстыя Твоея  
Матере и всех святых, помилуй и  
спаси нас, яко Благ и  
Человеколѡбец. Амѡнь.

**В**еликаго господина и отца

нашего Кири́лла, / Святéйшаго  
Патри́арха Моско́вскаго и всея́  
Руси́, / и господи́на нашего  
высокопреосвяще́ннейшаго  
**и́мярек,** / митрополита [**или́:**  
**а р х и е п и́ с к о п а ; или́:**  
преосвяще́ннейшаго **и́мярек,**  
епи́скопа] [**его́же есть о́бласть**], /  
настоя́теля, бра́тию и прихо́жан  
свята́го хра́ма нашего, /  
домоча́дцы на́ша и вся  
правосла́вныя христиа́ны, /  
Го́споди, сохрани́ их на мно́гая  
ле́та.

**Стихи́ра, глас 5:**

**Прииди́те, ублажи́м Ио́сифа  
приснопа́мятнаго, в но́щи к**

Пилáту пришéдшаго, и Животá  
всех испросívшаго: даждь ми  
Сегó Стрáннаго, Ёже не имéет где  
глав́ы подклонíти: даждь ми  
Сегó Стрáннаго, Егóже учени́к  
лука́вый на смерть предаде́:  
даждь ми Сегó Стрáннаго, Егóже  
Ма́ти зря́щи на Крестé ви́сяща,  
рыда́ющи вопия́ше и ма́терски  
восклица́ше: увы́ Мне, Ча́до Моё!  
Увы́ Мне, Свёте Мой, и Утрóба  
Моя́ возлю́бленная! Симеóном бо  
предречéнное в  
ц é р к в и днесь собы́тся: Моё  
сёрдце ору́жие прóйде, но в  
ра́дость воскресéния Твоегó плач  
преложí. Покланя́емся страстём

**Тво́йм, Христе́, покланя́емся  
страсте́м Тво́йм, Христе́,  
покланя́емся страсте́м Тво́йм,  
Христе́, и Свято́му Воскресе́нию.**

## **ПЕРВЫЙ ЧАС**

**Прииди́те, поклони́мся Цареви  
нашему Богу.**

**Прииди́те, поклони́мся Христу́,  
Царе́ви на́шему, Бо́гу.**

**Прииди́те, поклони́мся и  
припаде́м Само́му Христу́, Царе́ви и  
Бо́гу на́шему.**

### **Псалом 5**

**Глаго́лы моя́ внуши́, Го́споди,**

разумѣй звáние моѣ. Вонми́ гласу  
молѣния моего́, Царю́ мой и Бóже  
мой, я́ко к Тебѣ помолю́ся, Гóсподи.  
Заўтра услы́ши глас мой, заўтра  
предста́ну Ти, и ўзриши мя. Я́ко Бог  
не хотя́й беззакóния, Ты еси́: не  
приселѣтся к Тебѣ лука́внуяй,  
ниже́ пребу́дут беззакóнницы пред  
очѣма Твоѣма: возненави́дел еси́  
вся дѣлающыя беззакóние.  
Погуби́ши вся глаго́лющыя лжу:  
му́жа кровѣй и льсти́ва гнуша́ется  
Госпо́дь. Аз же мно́жеством  
ми́лости Твоея́, вни́ду в дом Твой,  
поклоню́ся ко хра́му свято́му  
Твоему́, в стра́се Твоём. Гóсподи,  
наста́ви мя пра́вдою Твоєю́, враг

моіх ра́ди испра́ви пред Тобо́ю  
пу́ть мой. Я́ко несть во устѣх их  
и́стины, се́рдце их су́етно, гроб  
отве́рст горта́нь их: язы́ки сво́ими  
льща́ху. Суді́ им, Бо́же, да отпаду́т  
от мы́слей сво́их, по мно́жеству  
нече́стия их изрѣни́ я, я́ко  
преогорчи́ша Тя, Го́споди. И да  
возвеселя́тся вси упова́ющии на Тя,  
во век возра́дуются, и вселі́шися в  
них, и похва́лятся о Тебе́ лю́бящии  
и́мя Твое́. Я́ко Ты благослови́ши  
пра́ведника, Го́споди: я́ко ору́жием  
благоволе́ния венча́л еси́ нас.

## Псалом 89

Го́споди, прибѣжище был еси́  
нам в род и род. Пре́жде да́же гора́м

не бѣти и создѣтися землѣ и  
вселенней, и от вѣка и до вѣка Ты  
еси. Не отврати чловека во  
смирение, и рекл еси: обратитесь,  
сынове чловечества. Яко тысяща  
лет пред очима Твоима, Господи,  
яко день вчерашний, иже мимоиде,  
и стража ношная. Уничженія их  
лѣта будут. Утро яко трава  
мимоидет, утро процветет и  
прейдет: на вечер отпадет  
ожестеет и исхнет. Яко исчезохом  
гневом Твоим, и яростию Твоею  
смутихомся. Положил еси  
беззаконія наша пред Тобою: век  
наш в просвещение лица Твоего.  
Яко вси дние наши оскудеша, и

гнѣвомъ Твоимъ исчезо́хом, лѣта  
на́ша я́ко паучи́на поуча́хуся. Дни́е  
летъ на́шихъ, въ нѣхъже се́дмьдесятъ летъ,  
а́ще же въ си́лахъ, о́сми́десятъ летъ, и  
мно́жае ихъ трудъ и болѣзнь: я́ко  
при́иде крѣ́тость на ны, и  
нака́жемся. Кто́ вѣсть держа́ву  
гнѣва Твоего́, и отъ стра́ха Твоего́,  
я́рость Твою́ исчесті́? Десни́цу  
Твою́ та́ко скажи́ ми, и окованны́я  
се́рдцемъ въ му́дрости. Обрати́ся,  
Го́споди, доко́ле? И умоле́н бу́ди на  
рабы́ Твоя́. Исполни́хомся за́втра  
ми́лости Твоея́, Го́споди, и  
возра́довахомся, и возвесели́хомся,  
во вся́ дни на́ша возвесели́хомся, за  
дни въ нѣхъже смири́л ны еси́, лѣта въ

няже вѣдехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

## Псалом 100

Милость и суд воспою Тебе, Господи. Пою и разумю в пути непорочно, когда прийдеси ко мне? Прехождях в незлобии сердца моего посреде дому моего. Не предлагая пред очима моима вещь законопреступную: творящая преступление возненавидех. Не прильпе мне сердце строптиво, уклоняющагося от мене лукаваго

не познáх. Оклеветáющаго тай  
йскренняго своего, сегó изгоня́х:  
го́рдым о́ком, и несýтым сёрдцем, с  
сим не ядýх. О́чи мой на вёрныя  
земли́, посаждáти я́ со мно́ю: ходя́й  
по путí непорóчну, сей ми  
служáше. Не живя́ше посреде́ дóму  
моего́ творя́й горды́ню, глаго́ляй  
непра́ведная, не исправля́ше пред  
очíма мойма. Во úтрия избивáх вся  
грéшныя земли́, ёже потребíти от  
града́ Господня́ вся дéлающыя  
беззакóние.

**С**ла́ва, и ны́не:

**А**ллилу́ия, аллилу́ия, аллилу́ия,  
сла́ва Тебе́ Бо́же. **Т**рижды.

Гóсподи, помíлуй. Трижды.

Слáва:

Тропа́рь, глас 2:

**Б**лагообра́зный Ио́сиф, с дрéва  
снем Пречíстое Тéло Твое́,  
Плащани́цею чíстою обвív, и  
воня́ми во грóбе но́ве покрыв  
полож́и.

**И** ны́не:

**Богородичен:**

**Ч**то Тя наречём, о Благодáтная?  
/ Не́бо, я́ко возсия́ла еси́ Со́лнце  
Пра́вды. / Рай, я́ко прозяблá еси́  
цвет нетлéния. / Дéву, я́ко пребылá  
еси́ нетлénна. / Чíстую Ма́терь,

яко имела еси на святых Твоих  
объятиях Сына, всех Бога. / Того  
моли спастися душам нашим.

**Таже:**

Стопы моя направи по словеси  
Твоему / и да не обладает мною  
всякое беззаконие. / Избави мя от  
клеветы человеческия, / и  
сохрани заповеди Твоя. / Лице  
Твое просвети на раба Твоего / и  
научи мя оправданием Твоим.

Да исполнятся уста моя  
хваления Твоего, Господи, / яко да  
воспою славу Твою, / весь день  
великолепие Твое.

**Святый Боже, Святый Крепкий,**

Святѣй Безсмѣртный, помѣлуй нас.  
Трижды.

Слѣва Отцѣ и Сѣну и Святѣму  
Дѣху, и ныне и прѣсно и во вѣки  
векѣв. Амѣнь.

Пресвятѣя Трѣице, помѣлуй нас;  
Гѣсподи, очѣисти грехѣ наша;  
Владѣко, прѣстѣ беззакѣнѣ наша;  
Святѣй, посетѣ и исцелѣ нѣмощи  
наша, ѣмене Твоегѣ радѣ.

Гѣсподи, помѣлуй. Трижды.  
Слѣва, и ныне:

Отче наш, Ёже есѣ на Небесѣх, да  
святѣтся ѣмя Твое, да прѣидет  
Цѣрствие Твое, да бѣдет воля Твоя,  
ѣко на Небесѣ и на землѣ. Хлеб наш

насу́щный да́ждь нам днесь; и  
оста́ви нам до́лги на́ша, я́коже и  
мы оставля́ем должникóм на́шим;  
и не введи́ нас во искуше́ние, но  
изба́ви нас от лука́ваго.

[Я́ко Твое́ есть Ца́рство и си́ла и  
сла́ва во ве́ки. Ами́нь. (Мф. 6: 9-13)]

### Конда́к, глас 6:

**Б**ездну́ заключи́вый, мертв  
зри́тся, и сми́рною и  
плащани́цею обви́вся, во грóбе  
полага́ется я́ко сме́ртный  
Безсме́ртный: жéны же  
приидóша помáзати Егó ми́ром,  
плачу́щия го́рько и вопи́ющия:  
сий суббо́та есть

**преблагословѣнная, в нѣйже  
Христѣс уснѣв воскреснет  
триднѣвен.**

**Гѣсподи, помѣлуй. 40.**

**И**же на всякое время и на всякий  
час, на Небесѣ и на землѣ,  
покланяемый и слаvimый, Христѣ  
Бѣже, Долготерпелѣве,  
Многомѣлостиве,  
Многоблагоутрѣбне, Иже  
праведныя любяѣ и грѣшныя  
мѣлуяѣ, Иже вся зовѣѣ ко  
спасѣнию обещанѣя рѣди бѣдущих  
благ. Сам, Гѣсподи, примѣ и нѣша  
в час сей молѣтвы и испрѣви живѣт  
наш к заповедем Твоѣм, дѣши нѣша  
освятѣ, телесѣ очѣсти,

помышлѣнія исправи, мѣсли  
очи́сти и избáви нас от всякѣя  
скóрби, зол и болѣзней, оградѣ нас  
святы́ми Твоѣими А́нгелы, да  
ополчѣнием их соблюда́ем и  
наставля́ем, достѣгнем в  
соединѣние вѣры и в рáзум  
непристѣпныя Твоея́ слáвы, я́ко  
благословѣн есѣ во вѣки векóв,  
амѣнь.

**Ч**естнѣйшую Херувѣм и  
слáвнейшую без сравнѣния  
Серафѣм, без истлѣния Бóга Слóва  
рóждшую, сѣщую Богорóдицу, Тя  
велича́ем.

**М**олѣтвами святѣх отѣц нáших,  
Гóсподи Иисѣсе Христѣ, Бóже наш,

помілуй нас. **Амінь.**

### **И молитву часа:**

**Христé,** Свéте Ёстинный,  
просвещáяй и освящáяй всякаго  
человéка, грядúщаго в мiр, да  
знáменається на нас свет лицá  
Твоегó, да в нем úзрим Свет  
Непристúпный: и испрáви стопы  
нáша к дéланию зáповедей Твои́х,  
молiтвами Пречiстыя Твоея  
Мáтере, и всех Твои́х святýх.  
**Амінь.**

### **Кондак Богородицы:**

**Взбрáнной** Воевóде  
победiтельна, / я́ко избáвльшесе  
от злых, / благодарственная

восписуем Ти рабѣ Твоей,  
Богородице, / но яко имущая  
державу непобедимую, / от всяких  
нас бед свободѣ, да зовем Ти; /  
радуйся, Невѣсто Невѣстная.

**Слава, и ныне:**

**Господи, помилуй. Трижды.**

**Благослови.**

**Отпуст**

**Христѣ, истинный Божѣ наш,  
молѣтвами Пречѣстѣя Твоеѣ  
Матере, преподобных и  
богоносных отец наших и всех  
святых, помилуй и спаси нас, яко  
Благ и Человеколюбец. Аминь.**

**Господи, помилуй. Трижды.**